

## **Anpartsselskabit pillugit inatsisip Kalaallit Nunaanni atuutilersinneqarneranik peqqussut**

UAGUT MARGRETHE AAPPAAT, Guutip Saammaanneranik Danmarkip Dronningia, nalunaarpugut:

Aktieselskabit aamma anpartsselskabit pillugit inatsisit allangortinnera pillugu inatsimmi nr. 303 30. april 2003-meersumi<sup>1</sup> § 4 naapertorlugu aalajangersarneqarpoq (Elektronikkikkut ataatsimeersuarnernik aamma elektronikkikkut oqaloqatigiinneq il.il. aamma anpartselskabini avinnilersuineq), aktieselskabit anpartselskabillu pillugit inatsisit allangortinneqarnera, pisortat suliffeqarfiata DSB-p namminersortup inatsisaata allangortinneqarnera aamma DSB S-tog A/S aamma isertitanit akileraatutip pillugu inatsimmi nr. 226 31. marts 2004-meersumi<sup>2</sup> § 6 naapertorlugu allangortinneqarpoq (Immikkut ittumik iluanaaruteqarnissamut periarfissalimmik, avinneqarnermik periarfissat allattuiffissat aamma najukkamut piunasaqaatinut atorunnaarsitsineq il.il.), aktieselskabit anpartselskabillu pillugit inatsisit allangortinneqarneri, inuussutissarsiutitut suliffeqarfiit pillugit inatsisit, inuussutissarsiutitut ingerlataqarluni aningaasaateqarfiit pillugit inatsisit, europamiut suliffeqarfii pillugit inatsimmi nr. 246, 27. marts 2006-meersumi<sup>3</sup> § 8 naapertorlugu (SE-loven) aamma Det Centrale Virksomhedsregisterit pillugu inatsimmi (allaffersornerup oqilisarneqarnera aamma misissuisitsinissamut piunasaqaatinut ikilisaanerup kinguneranik suliffeqarfinnut mikinernut il.il.) aamma aktieselskabit aamma anpartsselskabit pillugit inatsit nr. 455 22, maj 2006-meersumi<sup>4</sup> § 4 naapertorlugu allangortinneqarpoq (malitassanit naammassinneq 2003/58/EF) aalajangersarneqarpoq inatsisit Kalaallit Nunaannut atortuulersinneqassasut, anpartsselskabit pillugu inatsit Kalaallit Nunaannut atortuulersinneqassaaq ulloq 1. august 2008 imatut oqaasertaqarluni:

### Kapitali 1

#### *Aalajangersakkat aallarnersaataasut*

§ 1. Inatsit manna anpartsselskabini inuussutissarsiummik ingerlatalinnut tamanut atuuppoq.

*Imm.* 2. Aanpartsselskabini piginneqataasut ingerlatseqatigiiffiup pisussaaffii pillugit inuttut akisussaataaangillat.

*Imm.* 3. Anpartsselskabi piginneqataassutinik aningaasaateqassaaq ikinnerpaamik 125.000 koruuninik. Aningaasaliissutit danskit koruuniinut imaluunniit euronut taggissaassapput. Erhvervs- og Selskabsstyrelsen nalunaarutikkut akuerisinnaavaa, aningaasaliissutit nunat allat aningaasaannut allanut tagginneqarnissaat. Styrelsen aammattaaq erseqqinnerusunik malittarisassiorsinnaavoq aningaasaliissutit nunat allat aningaasaannut allanut aningaasaliissutaasussanut tagginneqarnissaannut kiisalu piffissaq allannguuteqartitsiviusinnaasoq pillugit patsisissaatitanik imalinnik.

*Imm.* 4. Inatsit ingerlatseqatigiiffinnut aktieselskabit pillugit inatsimmi § 1, imm. 4-mi taaneqartunut atuutissanngilaq.

#### *Anpartsselskabit taaguutaat*

§ 2. Anpartsselskabit pisussaataapput aammalu kisimiillutik piginnaatitaallutik taaguumminni oqaatsimik “anpartsselskab” imaluunniit naalisarneranik “ApS” atuinissamut.

*Imm. 2.* Anpartsselskabip taaguutaa sulliviit allat, Erhvervs- og Selskabsstyrelsimi nalunaarsukkat, taaguutaannit erseqqissumik immikkooruteqassaaq. Taaguummi ilanngunneqassanngillat eqqarleriit aqqi, sulliviup aqqa, nunaatit illuutillu aqqi immikkuullarissut, nioqqutit ilisarnaataat, niuernikkut ilisarnaat taamaangajatullu, ingerlatseqatigiiffimmut tunngassuteqanngitsut imaluunniit taassumunnga paarlaanneqarsinnaasut.

*Imm. 3.* Anpartsselskabip taaguutaa salloqittaaniutigineqarsinnaassanngilaq. Taaguut sulissutigisanik ingerlatseqatigiiffiup siunertaanut atassuteqanngitsunut innersuussisunik imaqassanngilaq. Sullivik aalajangersimasoq atsiunneqarsimappat taaguut allanngortinneqarnani atatiinneqassanngilaq, sulliviup pissusia annertuumik allannguuteqarpat.

*Imm. 4.* Imm. 1-3-mi aalajangersakkat anpartsselskabit saniatigut taaguutaannut taamatulli atuutissapput. Saniatigut taaguut atorneqarpat ingerlatseqatigiiffiup taaguutaa ungaluuserlugu ilanngunneqassaaq. Ingerlatseqatigiiffiup ataatsip saniatigut taaguutaanik katillugit tallimanit amerlanerusunik nalunaarsugassatut nalunaarutiginninnermi saniatigut taaguummut ataatsimut 1.000 kr. akiliutigineqassapput. Taamaassanngilarli taaguutit imaluunniit saniatigut taaguutit ingerlatseriaatsimik allanngortitsinermut imaluunniit ataatsimut kattutitsinermut atatillugu atuinneqartussat pillugit.

*Imm. 5.* Anpartsselskabit allakkaminni pappiaqqanilu neriunermut tunngasuni allani taaguutertik, najugartik (qullersaqarfik) suliffeqarfiullu normu taasimassavaat.

### *Ingerlatseqatigiiffissuaq*

§ 3. Ingerlatseqatigiiffik piginnittoq ingerlatseqatigiiffiutaalu ataatsimoorlutik ingerlatseqatigiiffissuurtut naatsorsuunneqassapput.

*Imm. 2.* Anpartsselskabi ingerlatseqatigiiffittut piginnittutut naatsorsuunneqassaaq

- 1) anpartsselskabimi aktieselskabimiluunniit taasisinnaanerit amerlanerussuteqaataasut pigippagit,
- 2) anpartsselskabimi aktieselskabimiluunniit piginneqataaguni ingerlatseqatigiiffiullu siulersuisuisussaani amerlanerussuteqartunik toqqaasinnaatitaallunilu tunuartsisinnatitaaguni imaluunniit, anpartsselskabi siulersuisoqanngikkaangat, taassumap qullersaqarfiani atorfinitsisinnatitaaguni soraarsitsisinnatitaaguniluunniit,
- 3) anpartsselskabimi aktieselskabimiluunniit piginneqataaguni ingerlatseqatigiiffiullu malittarisassai imaluunniit isumaqatigiissuteqarfigineqarnera tunngavigalugu ingerlatseqatigiiffimmi aalajangiisutut sunniuteqaruni,
- 4) anpartsselskabimi aktieselskabimiluunniit piginneqataaguni piginneqataasullu allat isumaqatigiissuteqarfiginerisigut ingerlatseqatigiiffimmi taasisinnaanerit amerlanerussuteqartut pigippagit, imaluunniit
- 5) anpartsselskabimi aktieselskabimiluunniit piginneqataaguni tassanilu aalajangiisutut sunniuteqaruni.

*Imm. 3.* Anpartsselskabi aktieselskabiluunniit ingerlatseqatigiiffittut pigineqartutut naatsorsuunneqassaaq, ingerlatseqatigiiffik piginnittoq imm. 2-mi taaneqartut arlaattut ingerlatseqatigiiffimmut attuumassuteqarpat.

*Imm. 4.* Taasisinnaatitaanerit aamma siulersuisussanik toqqaasinnaatitaanermut qullersaqarfimmilu pisortassanik atorfinitsisinnatitaanermut tunuartsisinnatitaanermullu piginnaati-taaffiit naatsorsorneqarnerini ilanngullugit naatsorsuunneqassapput piginnaatitaaffiit, ingerlatseqatigiiffimmik piginnittumit ingerlatseqatigiiffiutaanillu, pigineqartut.

*Imm. 5.* Ingerlatseqatigiiffiup pigineqartup taasisinnaatitaanerisa naatsorsornerini ilanngullugit naatsorsuunneqassanngillat ingerlatseqatigiiffiup pigineqartup nammineq imaluunniit taassuma ingerlatseqatigiiffiutaasa piginneqataassutaannik tunngaveqartumik taasisinnaatitaaneri.

## Kapitali 2

### *Anpartsselskabinik pilersitsineq. Pilersitsisut.*

§ 4. Anpartsselskabi pilersitsisumit ataatsimit arlalinnilluunniit pilersinneqarsinnaavoq, piginneqataassutitullu aningaasaatit pilersitsisumit ataatsimit arlalinnilluunniit aningaasaliissutaassapput. Aningaasaatit ingerlatseqatigiiffimmut tamakkerlugit akilerneqassapput. Pilersitsisut pilersitsinermi allagartaq, ingerlatseqatigiiffiup malittarisassaanik pissutsillu § 6-imi taaneqartut pillugit imaqartussaq, atsiussavaat.

*Imm. 2.* Pilersitsisoq akililersuiunnaarallartutut akiliisinnaajunnaartutulluunniit nalunaarutigisaassanngilaq, inuttaalu nammineq nammineersinnaassuseqartuussaaq.

### *Malittarisassat*

§ 5. Malittarisassat aalajangersakkanik ikinnerpaamik makkuninnga imaqassapput:

- 1) ingerlatseqatigiiffiup taaguutaa saniatigullu taaguuteqassappat taaguutai,
- 2) nunami maani kommuni ingerlatseqatigiiffiup najugaqarfigisaa (qitiusumik allaffeqarfigisaa),
- 3) ingerlatseqatigiiffiup siunertaa,
- 4) aningaasaliissutit amerlassusaat,
- 5) piginneqataassutit taasisinnaassuseqarnerat,
- 6) ingerlatseqatigiiffiup siulersorneqarnera, tak. § 19,
- 7) piffissaq ingerlatseqatigiiffiup ukiumoortumik naatsorsuusiortfigisartagassaa aamma
- 8) kukkunersuiusssamik qinersineq, ukiumoortumik naatsorsuutit pillugit inatsit inatsilluunniit alla naapertorlugu ingerlatseqatigiiffik kukkunersuiusssaanermik pisussaaffeqarpat, tak. § 28 c.

### *Pilersitsinermi allagartaq*

§ 6. Pilersitsinermi allagartaq aalajangersakkanik imaattunik imaqassaaq

- 1) ingerlatseqatigiiffimik pilersitsisut aqqi najugaallu, qullersat aamma kukkunersuiusut, ukiumoortumik naatsorsuutit pillugit inatsit inatsilluunniit alla naapertorlugu ingerlatseqatigiiffik kukkunersuiusssaanermik pisussaaffeqarpat, tak. § 28 c,
- 2) piginneqataassutit pilersitsisunut agguataarsimanagerat,
- 3) piginneqataassutit pisiarinerini naligititaq aamma
- 4) ingerlatseqatigiiffiup ukiumoortumik nalunaarusiai iluarsaanneqassannginnersut, ukiumoortumik naatsorsuutit pillugit inatsit inatsilluunniit alla naapertorlugu ingerlatseqatigiiffik kukkunersuiusssaanermik pisussaaffeqanngippat.

§ 7. Piginneqataassutit aningaasaanngitsunik allanilli nalilinnik akiliuteqarnikkut pisiarineqarsinnaanerat (nalilinnik aningaasaliineq), imaluunniit ingerlatseqatigiiffiup allatut iliornikkut nalilinnik taamaattunik tigusinissaa pillugu aalajangersaasoqarsimappat pilersitsinermi allagartaq tamakku pillugit aalajangersagartaqassaaq. Nalilinnik aningaasaliissutit aningaasanik nalilerneqarsinnaasuussapput. Nalilinnik aningaasaliinerit sulinissamik imaluunniit kiffartuussinissamik pisussaatitaaffilerneqarsinnaanngillat. Pilersitsisut akiitsui akiitsoqarfiisa piginneqataassutinik taarsertissinnaanngilaat, akiitsut qularnaveeqqusiiffigisaagaluarpataluunniit.

*Imm. 2.* Suliffeqarfiup imm. 1 naapertorlugu nalilinnik tigusaqassappata, tigusinermut uppersaat nalilersuinermi nalunaarut ilanngunneqassaaq ataatsimik amerlanernilluunniit nakerisarsuunngitsunik suliarineqarsimassalluni, inunnik paasisimasalinnik, tak. aktianik piginneqatigiiffimmut inatsimmi § 6 b. Nalilersuinermi nalunaarut imaqassaaq

- 1) aningaasaliissutit tamarmik allaaserineqarnerinik,
- 2) nalilersuinermi iliutsip atorneqartup paasissutissartaanik,
- 3) tigusinermi akiliut aaliangerneqartup taaneqarneranik aamma
- 4) sulisup aningaasaqarnikkut minnerpaamik akiligassaq isumaqatigiissummut tulluartsuussasoq nalunaarutigalugu, piginneqataassutit pilersinneqartussat ilanngullugit, aningaasap nalingata qaangerneqassappat tapiutigalugu.

*Imm. 3.* Pilersitsinermut atatillugu ingerlatseqatigiiffik ingerlatseqatigiiffimmik pioreersumik piginnittunngorpat naliliinermik nalunaarusiaq ingerlatseqatigiiffiup ammaanermi naatsorsuutaanik aamma imaqassaaq. Ammaanermi naatsorsuutit ukiumoortumik naatsorsuutit pillugit inatsimmi aalajangersakkat naapertorlugit suliarineqassapput. Ammaanermi naatsorsuutit nangaanartoqassanngillat. Ukiumoortumik naatsorsuutit pillugit inatsit inatsilluunniit alla naapertorlugu ingerlatseqatigiiffik kukkunersiuisussaananermik pisussaaffeqarpat, ammaanermi naatsorsuutit kukkunersiuisut oqaaseqaataannik nangaanartortaqaanngitsunik ilaqartinneqassapputaaq.

*Imm. 4.* Pilersitsinermi allagartamik atsiorneq sap. akunnerinik sisamanik sivisunerunngitsunik sioqqullugu naliliineq pissaaq. Piffissaliussaq qaangerneqarpat nutaamik naliliisoqassaaq.

**§ 8.** Pilersitsinermi allagartaq paasissutissartaqassaaq pilersitsisut allalluunniit immikkut ittumik pisinnaatitaanissaat imaluunniit ajunngitsorsiasaartitaanissaat, kiisalu pilersitsisut allalluunniit ingerlatseqatigiiffimmut aningaasaqarnikkut annertuumik pingaarutilimmik isumaqatigiissuteqarfiginissaat, pillugit aalajangersaasoqarsimasinnaananeramik. Pissutsit taama ittut naliliiffiginissaannut paasissutissiisoqartassaaq erseqqinnerusunik, ilanngullugit pineqartut aqqi najugaallu pillugit paasissutissanik.

*Imm. 2.* Allagartat, pingaarnerusutut imarisaat pilersitsinermi allagartami issuarneqanngitsut, tassanili innersuussutigineqarsimasut, pilersitsinermi allagartamut ilanngunneqassapput.

*Imm. 3.* Pilersitsineq pillugu isumaqatigiissutit pilersitsinermi allagartami allassimangikkunik ingerlatseqatigiiffimmut pisussaatsissanngillat.

#### *Pilersitsisumiit imaluunniit piginneqataassutilimmiit kingusinnerusukku pisineq*

**§ 9.** Pilersitsinermi allagartalioreernikkut nalunaarsorneqareernermiillu qaammatit 24-t qaangiutinngitsut ingerlatseqatigiiffik pilersitsisumiit piginneqataassutilimmiilluunniit, ingerlatseqatigiiffiup nalunngeriigaaniit, pisiaqarnissamik isumaqatigiissusiussappat, pisinissaq piginneqataassutilinnut akuersissutiginneqassaaq,

- 1) akiliutissaq piginneqataassutitut aningaasaatit minnerpaamik 10 pct.-annut naapertuutissappat, minnerpaamillu 50.000 koruuninik annertussuseqassappat, aamma
- 2) pisarnertut niuerneramik tunngavilimmik atuinnissaq pineqanngippat.

*Imm. 2.* Qullersat pisinermi pissusiusut erseqqinnerusumik nassuiaasiussavaat. Aammattaaq naliliisartoq imaluunniit naliliisartut arlallit arlaannaannulluunniit attuumassuteqanngitsut naliliinermik nalunaarusiussapput, tak. § 7. Piginneqataassutillit nalunaarusiamik aamma naliliinermik nalunaarusiamik ilisimatinneqassapput pisinissamik akuersissutiginnialersinnagit.

*Imm. 3.* Piginneqataassutillit pisinissamik akuersissutiginnereerneranniit kingusinnerpaamik sapaatit akunneri arfineq-marluk qaangiutsinnagit naliliinermik nalunaarusiaq, qanga akuersissutigineqarsimaneramik paasissutissartalik, Erhvervs- og Selskabsstyrelsimi tiguneqareersimassaaq.

*Atorsinnaatitsinnginneq*

§ 10. Piginneqataassutiniq qularuteqarluni pisinissamik nalunaarneq atorsinnaassuseqanngilaq. Pisinissamilli nalunaarneq pisussaaffiliissaaq qularnaataarutissalunilu ingerlatseqatigiiffiup nalunaarsorneqannginnerani Erhvervs- og Selskabsstyrelsimut akertiussuteqartoqarsimangippat.

*Nalunaarsorneqarneq*

§ 11. Qullersat ingerlatseqatigiiffik nalunaarsugassanngorlugu nalunaarutigissavaat pilersitsinermi allagartap atsiorneqareerneraniit sapaatit akunneri 11-t qaangiutsinnagit. Piffissaatitaq taanna naatinnagu nalunaarut Erhvervs- og Selskabsstyrelsimi tiguneqanngippat nalunaarsuisoqarsinnaanngilaq.

*Imm.* 2. Ingerlatseqatigiiffik nalunaarsorneqarsinnaanngilaq, nalunaarsorneqarnissamik nalunaarut aningaasaliissutissat, naliusut annerussutigiunnagaannik tapikkat, tamakkerlugit akilerneqarnerannut uppersaammik ilaqartinneqanngippat.

§ 12. Ingerlatseqatigiiffik nalunaarsorneqanngitsoq pisinnaatitaalersinnaananilu pisussaataalersinnaanngilaq. Aamma eqqartuussitutigut suliaassiisutini peqataasinnaanngilaq, aningaasaliissutissatut nalunaarutigisimasanik akiliisitsiniarluni piginneqataajumalluniluunniit nalunaarutit allat pillugit eqqartuussitutigut suliaasiinerni peqataasinnaanera eqqaassanngikkaanni.

*Imm.* 2. Ingerlatseqatigiiffiup nalunaarsorneqarnera sioqqullugu ingerlatseqatigiiffik sinnerlugu pisussanngortitsisimanermut nammaqatigiimmik akisussaataapput inuit pisussanngortitsisimanernik suliaqarsimasut imaluunniit tamatumunnga akisussaaqataasut. Ingerlatseqatigiiffiup nalunaarsornermigut, pilersitsinermi allagartap naapertorlugu imaluunniit pilersitsinermi allagartap atsiorneqarnerata kingornatigut ingerlatseqatigiiffiup pisussaaffigilersimasai, akisussaaffigilissavai.

*Imm.* 3. Ingerlatseqatigiiffiup nalunaarsorneqarnera sioqqullugu isumaqatigiissuteqartoqarsimappat, isumaqatigiissuteqaqatigisallu ilisimappagu ingerlatseqatigiiffik nalunaarsorneqarsimangitsoq allamillu isumaqatigiissuteqartoqarsimangippat, isumaqatigiissuteqaqatigisap isumaqatigiissut atorunnaarsissinnaavaa, nalunaarsorneqarnissamik nalunaarut § 11-mi piffissarititap naannginnerani Erhvervs- og Selskabsstyrelsimi tiguneqarsimangippat imaluunniit nalunaarsorneqarnissaq itigartitsissutigineqarpat. Taamaassanngilarli allatut isumaqatigiissuteqartoqarsimappat. Isumaqatigiissuteqaqatigisap ilisimangikkuniuk ingerlatseqatigiiffik nalunaarsorneqarsimangitsoq, isumaqatigiissut atorunnaarsissinnaavaa ingerlatseqatigiiffik nalunaarsorneqarsimangikkallartillugu.

*Imm.* 4. Ingerlatseqatigiiffiup nalunaarsorneqarsimangitsup oqaaseq "pilersinniarneqartoq" taaguumminut ilanngutissavaa.

Kapitali 3

*Aningaasaliissutit akilerneqarnissaat*

§ 13. Piginneqataassutitut aningaasaliissutissat piginneqataassutit nalingannit appasinnerussanngillat.

*Imm.* 2. Piginneqataassutisisoq qullersat akuerseqqaartinnagit suliffeqarfimmi pisassarisanik akiligassat ilanngullugit naatsorsuussinnaanngilai piginneqatigiinnut malitassaq piginnaatitaaffik naapertorlugu. Akuersissut tunniunneqassanngilaq akiligassaq ingerlatseqatigiiffimmut imaluunniit ingerlatseqatigiiffiup akiitsoqarfiinut ajoqusiinnaappat.

*Imm.* 3. Piginneqataassutit akilerneqarnissaannik ingerlatseqatigiiffiup piumasaqaatai tuniniarneqarsinnaanatillu qularnaveeqqusiissutaasinnaangillat.

*Imm.* 4. Piginneqataassut tamavimmi akilerneqanngitsoq allamut pigisassanngortinneqarpat, piginneqataalersoq piginneqataalernerminik ingerlatseqatigiiffimmut nalunaarsimasoq akiligassap sinnerata akilernissaanut piginneqataajunnaartoq nammaqatigalugu akisussaalisaaq.

#### Kapitali 4

##### *Piginneqataassutit piginnittullu nalunaarsorsimaffiat*

§ 14. Malittarisassani allatut aalajangersaasoqarsimangippat piginneqataassutit tamarmik amerlassusertik naapertorlugu ingerlatseqatigiiffimmi naligiimmik piginnaatitaaffiliipput.

§ 15. Piginneqataassutit killilersugaanngitsumik tunineqarsinnaapput akilerlugilli utertinniarneqarsinnaanatik, inatsisit imaluunniit malittarisassat allatut aalajangersagaqanngippata.

§ 16. Ingerlatseqatigiiffik pilersinneqarpat qullersat erngerlutik piginneqataassutillit nalunaarsuiffiannik pilersitsissapput.

*Imm.* 2. Nalunaarsuiffik piginneqataassutillit tamarmik aqqinik najugaannillu piginneqataassutaasalu annertussusaannik paasissutissartaqassaaq. Piginnittuusut nikinnerannik piginneqataassutilluunniit qularnaveeqqusiunneqarsimanerannik ilisimatitsissutit nalunaarsuummut allanneqartassapput piginnittuulersup qularnaveeqqusiifigineqarsimasulluunniit aqqanik najugaanillu piginneqataassutaasalu annertussusaannik paasissutissartalerlugit, malittarisassat malillugit piginnittuulernissamut akornutissaqanngippat. Ilisimatitsissut ingerlatseqatigiiffimmi tiguneqareersimassaaq piginnittuusut nikinneranniit qularnaveeqqusiisoqareerneraniilluunniit kingusinnerpaamik sapaatit akunneri sisamat qaangiutsinnagit. Nalunaarsuiffinnut allattuineq ullulerneqartassaaq.

*Imm.* 3. Ingerlatseqatigiiffik piginneqataassutillit nalunaarsuutaanni allattuineranut uppersaasiisaaq.

§ 17. Piginneqataassutillit nalunaarsorsimaffiat tamanut takuneqarsinnaatitaanngilaq, malittarisassani allatut aalangiisoqarsimangippat imaluunniit piginneqataassutit 500.000 koruuniunngippata amerlanerunngippataluunniit.

*Imm.* 2. Piginneqataassutillilli nalunaarsorsimaffiat tamatigut piginneqataassutilinnut tamanut pisortanullu oqartussaasunut takuneqarsinnaatitaassaaq. Ingerlatseqatigiiffinni, sulisut siulersuisunut ilaasortassaminnik § 22, imm. 1 malillugu qinersiffigisimanngisaanni, nalunaarsorsimaffik aamma sulisut sinniisaannut takuneqarsinnaatitaassaaq. Igerlatseqatigiiffissuarni, sulisut siulersuisunut ilaasortassaminnik § 22, imm. 2 malillugu qinersiffigisimanngisaanni, ingerlatseqatigiiffiup piginnittuusup anpartsselskabini aktieselskabiniluunniit piginneqataassutilinnut nalunaarsuiffia ingerlatseqatigiiffissuup ingerlatseqatigiiffiutaani allani sulisunut taamatuttaaq takuneqarsinnaatitaassaaq.

*Imm.* 3. Piginneqataassutit tamarmik inummit ataatsimit pigineqarunnaassappata imaluunniit inummit ataatsimit pigineqarunnaassappata, sapaatit akunneri sisamat qaangiutsinnagit ingerlatseqatigiiffik tamatuminnga nalunaarfigineqareersimassaaq aamma kissermaassisutut piginneqataassutillit aqqi tamarmiusut najugaallu imaluunniit sullivik pineqarpat taassuma sumiiffigisaa pillugit. Paasissutissat kikkunnulluunniit takuneqarsinnaatitaassapput.

*Imm.* 4. Malittarisassani aalingerneqarsinnaavoq, piginneqatigiiffiit allattorsimaffii elektronikkikkut takuneqarsinnaassasut. Tamatuminnga aaliangiineq ataatsimeersuarnermi amerlanerussuteqarnikkut aaliangerneqarsinnaavoq, malittarisassanik allanguinermi malitassat naapertorlugit. Piginneqatigiiffiit allattorsimaffii elektronikkikkut takuneqarsinnaassappata,

suliffeqarfiit imm. 1-3 naapertorlugu pisussaaffitik eqquutsissavaat, elektronikkkikut allattorsimaffiit takuneqarsinnaanerisigut.

§ 18. Piginneqataassutip allamut pigisassanngortinnera qularnaveeqqusiunneqarneraluunniit tunisisup akiitsoqarfiinut sunnuteqassanngilaq, ingerlatseqatigiiffik tunisisumit piginnittuulersumilluunniit tamanna pillugu nalunaarutisisimatinnagu.

*Imm. 2.* Piginneqataassutillip piginneqataassut ataaseq pisisunut arlalinnut pigisassanngortissimappagu, kingulliulluni piginnittuulersoq salliutinneqassaaq, ingerlatseqatigiiffik taassumunnga piginnittussanngortitsinermik nalunaarfigineqaaqqaarsimappat piginnittussaataalorsorlu nalunaarutip ingerlatseqatigiiffimmut anngunnerata nalaani eqqortuliunnginnermik pasilliussaqaarsimangippat.

## Kapitali 5

### *Ingerlatseqatigiiffiup siulersorneqarnera*

§ 19. Anpartsselskabi siulersorneqassaaq qullersaqarfimmit imaluunniit siulersuisunit imaluunniit qullersaqarfimmit siulersuisunillu. Ingerlatseqatigiiffik ataasiusumik aqutsisoqarfeqarpat (qullersaqarfimmik imaluunniit siulersuisunik) taassuma aqutsisutut suliasat tamarmiusut, siulersuisunit qullersaqarfimmillu isumagineqartartut, ingerlatissavai. Ingerlatseqatigiiffik siulersuisoqarlunilu qullersaqarfeqarpat, siulersuisut qullersaallutik aqutsisuussapput, immikkut annertussusilinnik atuinissani imaluunniit pingaaruteqarluinnartuni aalajangiisartussat, ulluinnarni aqutsineq qullersaqarfimmit ingerlanneqartillugu. Inuit ingerlatseqatigiiffimmik siulersuisussat nammineersinnaassuseqartuussapput.

*Imm. 2.* Anpartsselskabit siulersuisoqassapput, sulisut qinigaattut siulersuisunut ilaasortat pillugit § 22, imm. 1-imi imaluunniit 2-mi pineqartunut ilaagunik.

*Imm. 3.* Siulersuisunut ilaasortat pillugit inatsimmi aalajangersakkat taamatulli atuutissapput siulersuisunut ilaasortat sinniisussaannut.

§ 19 a. Piginneqatigiiffik siulersuisoqarpat siulersuisut aalajangiuteriikkatik tunngavigalugit aalajangersinnaavaat siulersuisut susassaqrifiisa iluanni suliasat allattaaveqarluni suliarineqassasut, tamaaliornissaq suliasanut attuumassuteqaraangat. Oqaaseqatigiinni siullerni taamatut aalajangersagaqaraluartoq siulersuisuni ilaasortap ataatsip imaluunniit pisortaanerup piumasarisinnaavaa siulersuisut ataatsimiissasut. Aammattaq siulersuisut ataatsimiittarnerat pillugu inatsimmi nikinganerit pisariaqartut ilanngullugit taamaaqataanik allattaaveqarluni siulersuisut ataatsimiinnerinut atuupput.

*Imm. 2.* Piginneqatigiiffik siulersuisoqarpat siulersuisut ataatsimiinnerat elektronikkkikut (siulersuisut elektronikki atorlugu ataatsimiinnerat) ingerlanneqarsinnaavoq, tamaaliornissaq suliasanut attuumassuteqaraangat. Oqaaseqatigiinni siullerni taamatut aalajangersagaqaraluartoq siulersuisunut ilaasortap ataatsip imaluunniit pisortaanerup piumasarisinnaavaa siulersuisut ataatsimiissasut ilaasortat namminneq takkunnerisigut. Aammattaq siulersuisut ataatsimiittarnerat pillugu inatsimmi aalajangersakkat kiisalu elektronikkkikut attaveqatigiinnermut tunngasut, tak. § 28 b, pisarialimmik nikinganeqartillugit atuutissapput, siulersuisut elektronikki atorlugu ataatsimiinneranni tamatumunngalu atatillugu attaveqatigiinnermut atatillugu nikinganeqartitsisarnertut.

### *Siulersuisut suliasaat*

§ 20. Qullersaqarfiup isumagissavaa ingerlatseqatigiiffimmi naatsorsuuserinerup naatsorsuuserineq pillugu inatsisit maleruagassartaannut naapertuuttumik ingerlanneqarnissaa, pisuussutinillu atuinerup isumannaatsuunnissaa. Siulersuisut isumagissavaat, naatsorsuuserinerup

pisuussutinillu atuinerup ingerlatseqatigiiffimmi pissutsit malillugit naammaginartumik misissuiffigineqartarnissaat.

*Imm. 2.* Siulersuisunut ilaasortat qullersaqarfimmilu pisortat ingerlatseqatigiiffimmi piginneqataassutit, imaluunniit ingerlatseqatigiiffissuup ataasiusup anpartsselskabiutaani aktieselskabiutaanilu piginneqataassutit, tunngavigalugit iluarnaarniuteqassanngillat iluarnaarniuteqarnerniluunniit peqataassanatik.

**§ 20 a.** Paasissutissanik ingerlatseqatigiiffiup nalilernerneqarnissaanut pingaaruteqarsorisanik kukkunersuiusumut kimulluunniit ingerlatseqatigiiffiup toqqagaanut ingerlatseqatigiiffimmullu tunngasumik nalunaaruteqartumut siulersuisut qullersaqarfillu tunniussaqaassapput, ukiumoortumik naatsorsuutit pillugit inatsit naapertorlugu ingerlatseqatigiiffik ingerlatseqatigiiffissuusimappat.

*Imm. 2.* Siulersuisut qullersaqarfillu kukkunersuiusumut kimulluunniit ingerlatseqatigiiffiup toqqagaanut ingerlatseqatigiiffimmullu tunngasunik nalunaaruteqartumut pisariaqarsorisaat naapertorlugu misissuinissaanut akuersissapput, isumagissallugulu kukkunersuiusiq paasissutissanik taassumalu suliaminik ingerlatsinissaanut pisariaqartunik ikiussallugu. Ukiumoortumik naatsorsuutit pillugit inatsit naapertorlugu ingerlatseqatigiiffimmi ingerlatseqatigiiffissuup pigisamisut ingerlatseqatigiiffiani siulersuisut qullersaqarfillu ingerlatseqatigiiffissuup kukkunersuiusuinut taamaaqataanik pisussaaffeqartitaapput.

**§ 21.** Qullersaqarfimmi ilaasortat arlaliuppata isumaqatigiinniarnit allattaavinnut aallanneqartassapput, ilaasortanit najuuttunit tamanit atsiorneqartussat. Ilaasortaq ataaseq aalajangiinnermut isumaqataanngitsoq piginnaatitaavoq piumasarissallugu isummami allattaavinnut allanneqassasoq. Qullersaqarfimmi ilaasortat najuuttut kukkunersuiusut oqaaseqaataat atsiussavaat, kukkunersuiusut naalagaaffimmit akuerisat nalunaarsukkallu pillugit inatsit kunnqip peqqussuteqarneratigut Kalaallit Nunaanni atortuulersinneqartoq tunngavigalugu kukkunersuiusiq taama suliaqarnissamut pisussaaffeqarpat, imaluunniit piginnaaqataassutaatillit isumaqatigiissuteqarfiginerisigut kukkunersuiusiq kukkunersuisunermi allattaavinnik allassimappat.

*Imm. 2.* Ingerlatseqatigiiffiup kukkunersuiusiqarsimappat kukkunersuiusuata, piginneqataasut toqqagaata, tak. § 28 c, nakkutigissavaa qullersaqarfik naatsorsuuserinermik pilersitsinissamut ingerlatsinissamullu, nalunaarsuinissamut aamma allattaaveqarnermik ingerlatsinissamut pisussaaffimminik eqqortitsinersoq, kiisalu kukkunersuiusut allattaaviat atsiorneqarnissaalu pillugit maleruagassiat eqqortinneqarnersut nakkutigissallugu, tamanna kukkunersuiusut naalagaaffimmit akuerisat nalunaarsukkallu pillugit inatsit kunnqip peqqussutaatigut Kalaallit Nunaanni atuutilersinneqartoq imaluunniit inatsit alla naapertorlugu kukkunersuiusiq taama suliaqarnissamut pisussaaffeqarpat, imaluunniit kukkunersuiusiq piginneqataasutaatillit isumaqatigiissuteqarfiginerisigut kukkunersuiusiq kukkunersuisunermi allattaavinnik allassimappat. Piunasaatit taaneqartut eqqortinneqarsimanngitsut piginneqataassutaatillit qinigaata kukkunersuiusup paasippagu, kukkunersuiusiq tamanna pillugu immikkut nalunaaruteqassaaq piginneqataassutaatilinnut ukiumoortumik nalunaarummut ilanngunneqartussa.

*Imm. 3.* Ingerlatseqatigiiffimmut tunngasumik kukkunersuiusiq nalunaaruteqassappat inatsit manna tunngavigalugu kukkunersuiusiq pisussaavoq piginnaatitaaffinnik pisussaaffinnillu malinninnissamut, inatsit manna tunngavigalugu kukkunersuiusut piginneqataassutaatillit toqqagaat, tak. § 28 c, kukkunersuiusullu allat immikkoortinneqanngippata.

*Sulisut qinigaattut siulersuisunut ilaasortat*

**§ 22.** Ingerlatseqatigiiffinni, ukiuni kingullerni pingasuni agguaqatigiissillugu ikinnerpaamik 35-nik sulisoqarsimasuni, ingerlatseqatigiiffiup sulisui akunnerminni qinersisinnaatitaapput



siulersuisunut ilaasortaaitassaminnik taakkualu sinniisussaannik, siulersuisunut ilaasortat sinnerisa amerlassusaasa affaannut naapertuuttumik amerlassusilinnik, minnerpaamilli marlunnik. Siulersuisunut ilaasortassat qinigassat amerlassusaat kisitsimmut ilivitsumut inuuppat kisitsimmut ilivitsumut tullermut akunnaallineqassaaq.

*Imm. 2.* Ingerlatseqatigiiffimmi piginnittuusumi taassumalu nunami maani nalunaarsorneqarsimasutut ingerlatseqatigiiffiutaani sulisut akunnerminni qinersisinnaatitaapput piginnittuusutut ingerlatseqatigiiffiup siulersuisuinut ilaasortaaitassaminnik aalajangersumik amerlassusilinnik taakkualu sinniisussaannik, pigisatut ingerlatseqatigiiffiit taaneqartut anpartsselskabiuppata imaluunniit aktieselskabiuppata, taakkunanilu taasisinnaatitaanerit amerlanerit ingerlatseqatigiiffiup piginnittuusup sunniuteqarfigippagit, tak. § 3, imm. 4 aamma 5, aammalu piginnittutut ingerlatseqatigiiffik ingerlatseqatigiiffiutaalu taaneqartut ataatsimut ukiuni kingullerni pingasuni agguaqatigiissillugu ikinnerpaamik 35-nik sulisoqarsimappata. Piginnittuusutut ingerlatseqatigiiffik imm. 1-imi pineqartut ilaattut naatsorsuussaappat, piginnittuusutut ingerlatseqatigiiffimmi tassani sulisut aalajangersagaq manna naapertorlugu siulersuisunut ilaasortassaminnik marlunnik taakkualu sinniisussaannik qinersisinnaatitaapput. Piginnittuusutut ingerlatseqatigiiffiup siulersuisuini sulisut qinigaattut siulersuisunut ilaasortat tamarmiusumik amerlassusaat naapertuutissaaq siulersuisunut ilaasortat sinnerisa amerlassusaasa affaannut, minnerpaamilli pingasuussallutik. Imm. 1-imi oqaaseqatigiit aappaanni aalajangersagaq taamatulli atuutissaaq.

*Imm. 3.* Ingerlatseqatigiiffissuarni, piginnittuusutut ingerlatseqatigiiffimmi sulisut qinigaattut siulersuisunut ilaasortaarfiusuni, imm. 2 naapertorlugu siullermeersumik qinersisoqassaaq piginnittuusutut ingerlatseqatigiiffimmi sulisut qinigaattut siulersuisunut ilaasortat sinniisussaasalu qinigaaffiata naaneranut atatillugu.

*Imm. 4.* Ingerlatseqatigiiffinni, imm. 1-imi 2-milu pineqartut ilaattut naatsorsuussaannigitsuni, malittarisassat ingerlatseqatigiiffiup taamatullu ingerlatseqatigiiffissuup sulisuinut pisinnaatitsisinnaapput siulersuisunut ilaasortaaitassaminnik marlunnik arlalinnilluunniit qinersinissamat.

*Imm. 5.* Siulersuisunut ilaasortat, imm. 1 aamma 2 naapertorlugit sulisunit qinerneqartussat, ukiunut sisamanut qinigaasassapput sulisut, ingerlatseqatigiiffimmi imaluunniit ingerlatseqatigiiffissuarmi taannaasumi qinersinissaq sioqqullugu ukioq ilivitsoq sulereersimasut, akornannit. Qinigaaffik naassaaq ileqquusumik ataatsimeersuarnerup naammassinerani, tak. § 29, kingusinnerpaamik qinersinermiit ukiut sisamat qaangiunneranni.

*Imm. 6.* Aktieselskabit pillugit inatsimmi §§ 177 aamma 178 anpartsselskabinut atuutissapput pisariaqarneratut naleqquttunngorsaaserlugit.

### *Siulersuisunut ilaasortat tunuarsinnaanerit*

**§ 23.** Siulersuisunut ilaasorta qaqugukkulluunniit sulersuisunit tunuarsinnaavoq. Tamatuminnnga nalunaarut ingerlatseqatigiiffiup siulersuisuinut aammalu inummut imaluunniit inunnut, tunuarniartumik qinersisuusunut, tunniunneqassaaq. Siulersuisunut ilaasorta toqqaasiminit imaluunniit qinersisiminit qaqugukkulluunniit tunuartinneqarsinnaavoq.

*Imm. 2.* Siulersuisunut ilaasorta tunuartoq sinniisussaqaqqanngippat siulersuisunut ilaasortat sinnerisa sulissutigisassaraat ilaasortap tunuartup qinigaaffiata sinnerani ilaasortassamik nutaamik qinersisoqarnissaa. Aamma taamaassaaq, siulersuisunut ilaasorta, sulisunit § 22, imm.1 imaluunniit 2 malillugu qinigaasimasoq, ingerlatseqatigiiffimmi ingerlatseqatigiiffissuarmiluunniit suliunnaarpat.

*Imm. 3.* Kukkuersiuisoq piginneqataassutaatillit, tak. § 28 c, toqqagaat tunuarpat imaluunniit kukkuersiuisup taamatut sulinerata naanissaa sioqqullugu kukkuersiuiueq allaasumik atorunnaarpat, tamanna kukkuersiuisup Erhvervs- og Selskabsstyrelsimut nalunaarutigigasuassavaa.

*Sinniisutut iliuuseqarsinnaatitaaneq il.il.*

**§ 24.** Siulersuisunut ilaasortat qullersaqarfimmilu pisortat ingerlatseqatigiiffik avammut sinniisuuffigaat.

*Imm. 2.* Ingerlatseqatigiiffik sinnerlugu isumaqatigiissutigisanut ingerlatseqatigiiffik pisussanngortinneqassaaq, siulersuisut tamarmiullutik imaluunniit siulersuisunut ilaasortamit imaluunniit pisortamit ataatsimit peqataaffigineqarsimappata. Aamma taamaassaaq siumoortumik neriorsuuteqarneni.

*Imm. 3.* Imm. 2 malillugu ingerlatseqatigiiffimmit avammut sinniisuusinnaatitaaneq siulersuisut ilaasortaannut qullersaqarfimmilu pisortanut ataasiakkaanut tunngatinneqartoq malittarisassani aalajangersaanikkut killilerneqarsinnaavoq, sinniisutut iliuuseqarsinnaatitaaneq ilaasortanit arlariinnit ataatsimoortunit ilaasortanilluunniit aalajangersimasunit taakkuluunniit ataatsimoorneratigut taamaallaat ingerlanneqarsinnaalersillugu. Sinniilluni iliuuseqarsinnaatitaanermut allatut killiliineq nalunaarsorneqarsinnaanngilaq.

**§ 25.** Isumaqatigiissut § 24 malillugu sinniisinnaatitaasunit suliarineqarsimasoq imaluunniit ingerlatseqatigiiffik sinnerlugu siumoortumik neriorsuutaasimasoq ingerlatseqatigiiffimik pisussaatsissaaq, imaanngippat

- 1) sinniisinnaatitaasut iliuuseqarsinnaatitaanermittut killigititaasunut inatsimmi matumani aalajangersarneqarsimasunut akerliusumik iliorsimappata, imaluunniit
- 2) isumaqatigiissuteqaat ingerlatseqatigiiffiup siunertaanut naapertuutinnigippat, ingerlatseqatigiiffiullu uppersarsinnaappagu inuup allap tamanna ilisimagaa ilisimangitsoorsinnaanngikkaaluunniit.

*Imm. 2.* Malittarisassani siunertap ingerlatseqatigiiffimmit § 75 naapertorlugu nalunaarutigineqarnera nammineerluni imm. 1, nr. 2 naapertorlugu uppersarsaatitut atorineqarsinnaanngilaq.

**§ 26.** Siulersuisunut qinersisimaneq qullersaqarfimmulluunniit inuttassanik atorfinitsitsisimaneq § 75 naapertorlugu Atuagagdliutini aamma Erhvervs- og Selskabsstyrelsen qarasaasiakkut paasissutissiisarfiagut nalunaarutigineqareerpat, ingerlatseqatigiiffik pissutsit qinersinermik atorfinitsitsinermilluunniit atorunnaarsitsisinnaasut patsisigalugit inummut allamut uparuartuisinnaanngilaq, uppersarsinnaanngikkuniuk inuup taassuma pissutsit ilisimagai.

**§ 27.** §§ 24-26-mi maleruagassat malillugit ingerlatseqatigiiffimmut sinniisuusinnaatitaasut sinniisuunermi nalunaanngitsumik piginneqataasut ilaannut allanulluunniit assuarnartumik iluaqutissiisussamik ingerlatseqatigiiffimmullu ajoqutaasinnaasumik iliuuseqassanngillat. Taamattaq maleruassanngilaat ataatsimeersuarnermi aalajangersakkat imaluunniit ingerlatseqatigiiffiup immikkoortoqarfiisa allat aalajangersagaat, inatsimmut matumunnga imaluunniit ingerlatseqatigiiffiup malittarisassaanut akerliusutut atorunnaarsinneqarsinnaappata.

*Imm. 2.* Kisermaassilluni ingerlatseqatigiiffiup ingerlatseqatigiiffiutaatalu akunnerminni isumaqatigiissutaat allaganngorlugit isumaqatigiissutaassapput, suliamut ingerlaavartumut tunngan-ngippata piumasaqaatillu nalinginnaasut naapertorlugit isumaqatigiissutaanngippata.

## Kapitali 6

### *Piginneqataasut aalajangiisinnaatitaanerat*

**§ 28.** Piginneqataasut ingerlatseqatigiiffimmi aalajangiisinnaatitaanerat ataatsimeersuarnermi pisassaaq, piginneqataasut allatut iliornikkut aalajangiisarnissaq pillugu isumaqatigeereersimanngippata. Tamanna pillugu maleruagassanik malittarisassani

ilanngussisoqarsinnaavoq, aamma § 31, imm. 1, oqaaseqatigiit siulliit, § 32 aamma § 33, imm. 1, naapertorlugit sanioqqutsisinnaanerit pillugit maleruagassartaqarsinnaasuni.

*Imm. 2.* Aalajangiinerit tamarmik ingerlatseqatigiiffiup isumaqatigiinniarnernut allattaaviinut allatorneqartassapput. Allattaaviit taakkualuunniit assilineqarnerat uppersaasigaq piginneqataasunut ingerlatseqatigiiffiup allaffiani takuneqarsinnaatitaassaaq.

*Imm. 3.* Qullersat aalajangersinnaavaat inatsimmi matumani inuit qaffasissumik inissisimasutut taaneqartut saniatigut inunnik ataatsimeersuarnermi peqataasoqarsinnaasoq, malittarisassani allamik aalajangersagaqanngippat.

**§ 28 a.** Malittarisassani allamik aalajangersagaqanngippat piginneqatigiiffiup qullersai aalajangiisinnaapput elektronikkikkut tamakkiisuunnigikkaluamik ataatsimeersuarneqassasoq. Aammattaaq amerlanerussuteqartut § 33, imm. 1 aamma 2 taaneqartut tunngavigalugit piginneqataasut aalajangersinnaavaat elektronikkikkuinnaq ataatsimeersuortoqassasoq.

*Imm. 2.* Piginneqataasutaatillit § 33, imm. 1 aamma 3-mi taaneqartuni amerlanerussuteqartut aalajangersinnaavaat, piginneqataasutaatillit ilaatigut aamma elektronikkikkuinnaq ataatsimeersuaqataasut malittarisassani aalajangersakkat naapertorlugit piffissaliussaq qaangiutsinnagu ataatsimeersuarnermut atorneqartussat eqqarsaatigalugit ullormut oqaluuserisassanut imaluunniit allagaatinik il.il. tunngasunik apeqquteqassasut.

*Imm. 3.* Imm. 1-mi oqaaseqatigiit aappaat malillugu ataatsimeersuarnerup elektronikkikkuinnaq ingerlanneqarnissaata aalajangersaaffiginissaa pillugu ataatsimeersuarnermut aggeqqusissutip imarissavai malittarisassat allannguutissaannut oqaasertaliussassatut siunnersuutit, piginneqataassutaatilinnullu nalunaarsukkanut kikkunnulluunniit nassiunneqassallutik.

*Imm. 4.* Aktieselskabit pillugit inatsimmi § 65 a-mi elektronikkikkut ataatsimeersuarneq pillugu aalajangersakkat taamatulli atuutissapput.

**§ 28 b.** Piginneqataasutaatillit § 33, imm. 1-mi 2-milu taaneqartuni amerlanerussuteqartut aalajangersinnaavaat inatsit manna naapertorlugu allagaatinik nassiussinngikkaluarlutik imaluunniit saqqummiinngikkaluarlutik elektronikkikkut allagaatinik paarlaaqatigiinneq kiisalu elektronikkikkut allaffigeqatigiinneq (elektronikkikkut attaveqaateqarneq) atorneqassasoq. Ingerlatseqatigiiffiup piginneqataassutaatillillu akornanni elektronikkikkut attaveqaateqarneq atorneqarsinnaavoq allagaatit nalunaarutillu pineqartut pillugit aalajangersakkani piumasqaataajunnartut apeqqutaatinnagit, takuulli imm. 2 aamma § 78 a.

*Imm. 2.* Inatsisitigut aalajangersaasimappat ingerlatseqatigiiffiup piginneqataassutaatilinnut nalunaarutai il.il. Statstidenikkut imaluunniit Erhvervs- og Selskabsstyrelsip qarasaasiakkut paasissutissiisarfiatigut nalunaarutinngorlugit saqqummiunneqassasut, matumunnga taarsiullugu elektronikkikkut attaveqaateqarnikkut atuinissamik imm. 1-mi taaneqartoq atortuulersinnaanngilaq.

*Imm. 3.* Imm. 1-mi oqaaseqatigiit aappaat malillugu ataatsimeersuarnerup elektronikkikkut ingerlanneqarnissaata aalajangersaaffiginissaa pillugu ataatsimeersuarnermut aggeqqusissutip imarissavai malittarisassat allannguutissaannut oqaasertaliussassatut siunnersuutit, piginneqataassutaatilinnullu nalunaarsukkanut kikkunnulluunniit nassiunneqassallutik.

*Imm. 4.* Aktieselskabit pillugit inatsimmi § 65 b-mi elektronikkikkut ataatsimmersuarneq pillugu aalajangersakkat taamatulli atuutissapput.

**§ 28 c.** Piginneqataassutaatillit kukkunersuiusumik ataatsimik arlalinnilluunnuut kiisalu inatsisit malittarisassallu naapertorlugit taakkununga sinniussanik toqqaassapput, ukiumoortumik naatsorsuutit pillugit inatsit inatsilluunniit alla naapertorlugu ingerlatseqatigiiffik kukkunersuiusussaanermik pisussaaffeqarsimappat, imaluunniit piginneqataasut aalajangerpata ingerlatseqatigiiffiup ukiumoortumik nalunaarusiaa kukkunersiorneqassasoq. Ingerlatseqatigiiffiit kukkunersuiusussaanermik pisussaaffillit kukkunersuiusortik pillugit

paasissutissat malitarisassaminni ilanngutissavaat. Malittarisassani ilanngussinissaq, tak. § 5, nr. 8, immikkut akuersinissamik pisariaqartitsinngilaq.

**§ 28 d.** Piginneqataasutaalik nalinginnaasumik ataatsimeersuarnermi imaluunniit ataatsimeersuarnermi, oqaluuseritinniagaq oqaluuserisassaagaangat, ingerlatseqatigiiffiup pilersinneqarnerata imaluunniit ingerlanneranera pillugu pissutsit taaneqartut pillugit immikkut ittumik misissuiffigineqarnissaannik siunnersuuteqarsinnaavoq. Siunnersuut amerlanerussuteqarnikkut akuersissutigineqarpat piginneqataassutaatillit misissuisussaataitamik arlalinnilluunniit toqqaassapput.

*Imm. 2.* Siunnersuut itigartinneqarpat piginneqataassutaatillili piginneqataassutit 25 pct.-iannik piginneqataassutaatillit akuerippassuk, ataatsimeersuortoqareerneratigut sap. akunneri sisamat qaangiutsinnagit piginneqataassutaatillit ingerlatseqatigiiffiup najugaani pigisanik agguaassisarnermut eqqartuussivik noqqaavigisinnaavaat misissuisussaatanik toqqaaqqullugu. Pigisanik agguaassisarnermut eqqartuussivik aalajangiilersigani ingerlatseqatigiiffiup qullersaqarfia kukkunersiuisualu aammalu noqqaanermi pineqartoq oqaaseqaqqussavai. Taama noqqaaneq akuerineqassavoq, pigisanik agguaassisarnermut eqqartuussiviup tamanna nammattumik tunngavilersorneqarsorippata. Misissuisussaataitassat amerlassusissaat pigisanik agguaassisarnermut eqqartuussiviup aalajangissavaa. Pigisanik agguaassisarnermut eqqartuussiviup aalajangigai suliareqqitassanngortinneqarsinnaapput.

*Imm. 3.* Inatsimmi matumani § 20 a-mi aalajangersakkat aamma kukkunersiuisut naalagaaffimmit akuerisat nalunaarsukkallu pillugit inatsit kunnigip peqqussutaatigut Kalaallit Nunaanni atuutilersinneqartumi § 11 misissuisussaatanut taamatulli atuutinneqassapput.

*Imm. 4.* Misissuisussaatait, piginneqataassutaatilinnut allaganngorlugu nalunaarummik tunniussisussat, pisinnaatitaapput ingerlatseqatigiiffimmit akissarsinissaminnut. Misissuisussaatait pigisanik agguaassisarnermut eqqartuussiviup toqqarsimappagit akissarsiassaat tassannga aalajangersarneqassapput.

*Imm. 5.* Ataatsimeersuarnissaq ullunik arfineq-pingasunnik sioqqullugu misissuisussaatait nalunaarusiaat piginneqataasutaatilinnut misissugassanngorlugu ingerlatseqatigiiffiup allaffiani saqqummiunneqassaaq.

**§ 29.** Nalinginnaasumik ataatsimeersuarneq piffissaagallartillugu ingerlanneqartassaaq, ukiumoortumik nalunaarusiaq Erhvervs- og Selskabsstyrelsimut nassiussinnaaqqullugu taamaalilluni ukiumoortumik naatsorsuutit pillugit inatsimmi tunniussinissamut piffissaliussaq qaangiutsinnagu styrelseqarfimmi tiguneqarsimasinnaaqqullugu, taamaattorli takuuk § 28, imm.

*Imm. 2.* Piginneqataasut makku aalajangiiffigissavaat

- 1) ukiumoortumik nalunaarusiap akuersissutigineqarnera,
- 2) nalunaarusiaq akuerineqartoq naapertorlugu sinneqartoortit atorneqarnissaat imaluunniit amigartoorutit matuneqarnissaat,
- 3) ingerlatseqatigiiffiup ukiumoortumik nalunaarusiaa tulliuuttoq allanguuteqarnissaanik aalajangiinissamut allannguutissaajumaartut, ingerlatseqatigiiffik ukiumoortumik naatsorsuutit pillugit inatsit imaluunniit inatsit alla naapertorlugu kukkunersiuinissamik pisussaaffeqarfitaappat, aamma
- 4) apeqqutit allat ingerlatseqatigiiffiup malittarisassai naapertorlugit ataatsimeersuarnermi oqaluuserisassanngortinneqasimasut.

*Imm. 3.* Ingerlatseqatigiiffiup kukkunersiuisua piginneqataassutaatillit qinigaat, tak. § 28 c, ataatsimeersuarnermi najuussinnaatitaavoq. Kukkunersiuisoq najuuttussaavoq siulersuusuni ilaasortap ataatsip imaluunniit piginneqataassutillip tamanna kissaatigisimappagu.

*Imm. 4.* Ingerlatseqatigiiffiup kukkunersiuisuata piginneqataassutaatillit qinigaata, tak. § 28 c, ukiumoortumik nalunaarusiamut tunngasumik apeqqutit ataatsimeersuarnermi sammineqartut akissarsarai.

**§ 30.** Immikkut ittumik ataatsimeersuartoqartassaaq qullersatut siulersuisuusut kukkunersiuisulluunniit imaluunniit piginneqataasup tamatuminnga piumasaqareerneraniit kingusinnerpaamik sapaatit akunneri marluk qaangiutsinnagit.

**§ 31.** Ingerlatseqatigiiffimmi qullersatut siulersuisut ataatsimeersuariaqqusissapput, ataatsimeersuarnermi oqaluuserisassatut aalajangikkat ilanngullugit taagorlugit kingusinnerpaamik ataatsimeersuarnissaq ullunik arfineq-pingasunik sioqqullugu, sivikinnerusumik piffissaliinissaq malittarisassani akuerineqarsimanngippat. Ataatsimiigiaqqusissut sulisunut tunniunneqassaaq, taakkua sulisut qinigaattut siulersuisunut ilaasortassanik qinersinissamik, tak. § 22, imm. 1 aamma 6, aalajangersimanertik siulersuisunut nalunaarutigisimappassuk. Taamatuttaaq nalunaarut tunniunneqassaaq ingerlatseqatigiiffissuarni sulisunut, pigisatut ingerlatseqatigiiffinni sulisut § 22, imm. 2 aamma 6 malillugit siulersuisunut nalunaaruteqarsimappata.

*Imm. 2.* Piginneqataasooq kinaluunniit pisinnaatitaavoq oqaluuserisassaaq aalajangersimasooq ullormut oqaluuserisassanut ilanngutitissallugu. Piginneqataasut suliassani ullormut oqaluuserisassanut ilanngunneqarsimanngitsuni aalajangiisinnaanngillat.

**§ 32.** Suliassat tamarmik aalajangiiffigineqartassapput nalinginnaasumik taasinermi amerlanerussuteqarnikkut, inatsit manna imaluunniit malittarisassat annertunerusunik piumasaqaateqanngippata. Taasisut amerlaqatigiippata qinersineq makitsinikkut aalajangerneqartassaaq, malittarisassani allatut aalajangiisoqarsimanngippat.

**§ 33.** Malittarisassanik allannguuteqartitsinissamik aalajangiineq aatsaat atuussinnaassuseqassaaq, taasinermi taasisut minnerpaamik 2/3-nit akuerineqaruni, malittarisassani allatut aalajangiisoqarsimanngippat, taamaattorli takuuk § 34.

*Imm. 2.* Taamaattorli § 28 a, imm. 1-mi oqaaseqatigiit aappaattut aamma § 28, imm. 1-misut pisoqartillugu piumasaqaataavortaaq piginneqataasooq piginneqataassutit taasisinnaatitaanertallit ingerlatseqatigiiffiup 25 pct.-ianik piginneqataassutaatilik aalajangikkamut akerliulluni taasinnginnissaa.

*Imm. 3.* Anpartsselskabi siulersuisooqanngippat, kisiannili § 19, imm. 2 malillugu siulersuisooqartussaalluni, ingerlatseqatigiiffik siulersooqartussanngorlugu malittarisassat allannguutissaattut siunnersuut atuussinnaassusilimmik akuersissutaasut naatsorsuunneqassaaq piginneqataasup ataasiinnaagaluulluunniit siunnersuut akuersaarsimappagu.

**§ 34.** Malittarisassat allannguutissaannik aalajangiineq, tamatumuuna

- 1) piginneqataasut iluanaarutisinissaminnik pisinnaatitaanerat imaluunniit ingerlatseqatigiiffiup pigisaanik agguaassinikkut pisasaqartitaanerat millisinneqartussanngorlugu, inunnuat allanut ingerlatseqatigiiffimmi taassumaluunniit pigisaatut ingerlatseqatigiiffimmi piginneqataasuunngitsunut imaluunniit sulisuunngitsunut iluaqutaasussamik,
- 2) piginneqataasut ingerlatseqatigiiffimmut pisussaataitanerat annertusineqartussanngorlugu,
- 3) piginneqataassutit tunineqarsinnaanerat killilerneqartussanngorlugu,
- 4) piginneqataasut ingerlatseqatigiiffik atorunnaarsinneqanngikkaluaq piginneqataassutiminnik akilerlugit utertitsinissamut pisussanngortillugit imaluunniit
- 5) aalajangersaasooqartussanngorlugu piginneqataasut ataatsimeersuartoqanngikkaluaq aalajangiisinnaatitaanissaat pillugu, aatsaat atuussinnaassuseqassaaq piginneqataasunit tamanit akuerineqaruni.
- 6) ingerlatseqatigiiffiulersumisulli pissutsit assigalugit ingerlatseqatigiiffiulersuni tamani immikkoortoqalernermut atatillugu piginneqataassutaatillit taasinernik, piginneqataassutinik imaluunniit aktienik pissarsisussaannginnerat aatsaat atuussinnaassuseqassaaq piginneqataassutaatillit tamarmik akuersippata.

*Imm. 2.* Malittarisassat allannguutissannik aalajangiineq, piginneqataasut akornanni inatsisitigut inissisimanermik nikisitsiviususaaq, aatsaat atuussinnaassuseqassaaq, piginneqataasut inatsisitigut inissisimanerminnik ajornerulersitsisussat aalajangiinerippassuk.

§ 35. Aalajangiisoqassanngilaq, ersarissumik piginneqataasut ilaannut allanulluunniit assuarnartumik iluaqtissiisinnaasumik, piginneqataasunulli allanut ingerlatseqatigiiffimmulluunniit ajoqusiisinnaasumik.

§ 36. Piginneqataasoq imaluunniit siulersuisut ilaat eqqunngitsumik aalajangiinermik, imaluunniit inatsimmut matumunnga ingerlatseqatigiiffiulluunniit malittarisassaanut akerliusumik, eqqartuussisutigut suliaassiisinnaavoq.

*Imm. 2.* Aalajangernermiit kingusinnerpaamik qaammatit pingasut qaangiutsinnagit eqqartuussisutigut suliaassiisoqareersimassaaq. Taamaangippat aalajangiineq atuussinnaassuseqartutut isigineqassaaq.

*Imm. 3.* Imm. 2-mi aalajangersakkat atuutissanngillat,

- 1) piginneqataasut tamarmiusut akuersigaluartulluunniit inatsisinut naapertuuttumik aalajangiisoqarsinaangippat,
- 2) inatsit manna imaluunniit ingerlatseqatigiiffiup malittarisassai naapertorlugit aalajangiinissamut piginneqataasut tamarmiusut piginneqtaasulluunniit ataasiakkaat akuersinissaat piumasa-rineqarpat, taamatullu akuersisoqarsimangippat,
- 3) ataatsimiigiaqqusinissaaq pillugu maleruagassat ingerlatseqatigiiffimmut atuuttut annertuumik sumiginnarneqarsimagaangata, imaluunniit
- 4) piginneqataasoq, piffissap imm. 2-mi taaneqartup naareerneratigut, taamaattorli aalajangiinermiit ukiut marluk qaangiutsinnagitsut, eqqartuussisutigut suliaassimasooq, kingusinaarnermut naammaginartumik pissutissaqarpat, eqqartuussiviullu tamanna tunngavigalugu, pissutsillumi allat eqqarsaatigalugit, isumaqarpata imm. 2-mi aalajangersakkat naapertussagaanni nalunangitsumik naammaginangitsumik nassataqarumaartut.

*Imm. 4.* Eqqartuussisut isumaqarpata, aalajangiineq imm. 1-imi aalajangersakkanut attuumassuteqartoq, aalajangersagaq eqqartuussinikkut atuussinnaassuseerutsinneqassaaq imaluunniit allanngortinneqassaaq. Taamaattoq aalajangiineq aatsaat allanngortineqarsinnaavoq tamatuminnnga piumasaqaateqartoqarpat eqqartuussisullu aalajangersinnaappassuk aalajangiineq eq-qortumik imaqaassaguni qanoq imaqartussaasimagaluartoq. Eqqartuussisut aalajangiinerat aamma atuussinnaassuseqarpoq piginneqataasunut suliaassanngortitsisimangitsunut.

## Kapitali 7

### *Aningaasaatit amerlineqarnerat*

§ 37. Piginneqataassutinik nutaanik pisiassanngortitsinikkut ingerlatseqatigiiffiulluunniit aningaasaataasa sillimmataasut (piginneqataassutit aningaasaat sillimmataasut aningaasaliissutinut nuunneqarnerisigut pilersinneqartut) aningaasaliissutinut nuunneqarnerisigut aningaasaliissutit amerlisinneqarnissaannik aalajangerneq piginneqataasunit taasinermi amerlanerussuteqarnikkut, malittarisassanik allanngortitsinissamut piumasaqaataasutut, aalajangerneqassaaq.

### *Piginneqataassutinik nutaanik pisiualluni nalunaarneq*

§ 38. Piginneqataassutinik nutaanik pisiassanngortitsinikkut aningaasaliissutit amerlineqarnissaannik aalajangiinermi makku ilanngunneqassapput

- 1) aningaasaliissutinut amerliissutissat annertussusaat,
- 2) piginneqataassutit nutaat kikkunnit pisiassanngornerat,

- 3) piginneqataassutit aningaasanngorlugu nalingat aammalu pisiarinerini naliusoq,
- 4) piginneqataassutit nutaat taakku qaqugu ingerlatseqatigiiffimmi iluanaarutisiaqaataasinnaaner at allatigullu piginnaatitaaffiliisinnaaner at, aamma
- 5) amerliliiner mi aningaasartuutissat, ingerlatseqatigiiffiup akiligassai.

§ 39. Piginneqataassutit nutaat aningaasaanngitsunik allanilli nalilinnik akilerneqarsinnaappata, imaluunniit , tamanna pillugu aalajangersakkani amerlilerinissamik aalajangiineq taaneqassaaq. §7-mi malittarisassat taamatulli atuutissapput, taamaattorli § 7, imm . 3 naapertorlugu oqimaaqatigiissitsineq suliarineqassaaq ingerlatap tigusap tiguneqarnerani naatsorsuutitigut oqimaaqatigiissitsinertulli.

§ 40. Piginneqataassutit nutaat akiitsunut taartit akiliutigineqarsinnaassappata, tamanna pillugu aalajangersakkat amerlilerinissamik aalajangiiner mi taaneqassapput. Qullersaasutut siulersuisut nassuiaateqarfigissavaat akiitsoqalersimaner mut pissutaasut qangalu akiitsoqalersimaneq aammalu akiitsunut taarsiullugit piginneqataassutinik tunniussinissamut siunnersuummut tunngavigisat.

§ 41. Piginneqataassutinik nutaanik pisiumalluni nalunaarneq ataatsimiinnerit allattuiffiini nalunaarnikkut pisassaaq.

*Imm. 2.* Piginneqataassutinik nutaanik pisiumalluni nalunaarneq qularuteqarluni pisimappat § 10-mi aalajangersakkat taamatulli atuutissapput.

§ 42. Aningaasaliissutit amerlineqarsimanerannik nalunaarut anpartsselskabit nalunaarsuiffiannut nalunaarsorneqarsinnaangilaq aningaasaliissutissatut nalunaarutigineqarsimasup nalinga, piginneqataassutinullu naleqartitsineq sinnerlugu naleqatititsisoqassappat sinneqartoorutit, tamakkerlugit akilerneqareertinnagit. Aningaasaliissutit amerlineqarnissaannik aalajangiiner miit kingusinnerpaamik qaammatit 12-it sapaatillu akunneri pingasut qaangiutsinnagit Erhvervs- og Selskabsstyrelsimut nalunaaruteqartoqarsimanngippat, imaluunniit nalunaarsuinissaq itigartitsissutigineqarpat, aningaasaliussat amerlineqarnissaannik aalajangiineq atorunnaassaaq. Aningaasat akiliutigineqareersimasut kinguartitsinertaqanngitsumik akiliisimasunut utertinneqassapput.

*Sillimmatitut aningaasaatinik aningaasaliissutinut amerlilerissutit nuussisarneq*

§ 43. Sillimmatitut aningaasaatinik aningaasaliissutinut amerlilerissutit nuussinikkut amerlilerisoqarsinnaavoq aningaasanik ukuningga nuussinissaq aalajangiiffigineqarpat:

- 1) sinneqartoorutinit nuussat imaluunniit
- 2) sillimmatit ukiumoortumik naatsorsuutit pillugit inatsimmi § 35 naapertorlugu sillimmatit kisiisa pinnagit,
- 3) ukiumi naatsorsuiffiusumi sinneqartoorutit, sinneqartoorutit agguarneqareersimanngippata, atorneqareersimanngippata imaluunniit attoqusaanngippata imaluunniit
- 4) sillimmatitut uninngappata, ukiumi naatsorsuiffiusumi pinngorsimappata imaluunniit atugassatut ilineqarsimappata.

*Imm. 2.* Aalajangiiner mi aningaasat piginneqataassutit aningaasaatinut amerliliissutissat taaneqassapput.

*Imm. 3.* Fondsemmisionimut tunngasoq nalunaarut kingusinnerpaamik qaammatit aqqaneq marluk aaliangeereernerup kingona tiguneqarsimanngippat, piginneqataassummut allisitsinissamut aaliangiineq taassumalu kingunerisanik aaliangersakkanik allanguinissat atorunnaassapput.

*Aningaasaatinik atuineq il.il.*

**§ 44.** Ingerlatseqatigiiffiup aningaasaataanik piginneqataasunut agguaaaneq pisinnaavoq

- 1) ukiumut naatsorsuutit kingulliit akuerineqarnikut tunngavigalugit iluanaarutaappata
- 2) immikkut ittumik iluanaarutaappata, tak. § 44 a,
- 3) piginneqataassutimik akikilliliinermi agguagassat imaluunniit
- 4) suliffeqarfiup atorunnaarsinneqarnerani.

**§ 44 a.** Piginneqataasut taasinikkut amerlanerussuteqarlutik tak. § 32, imm. 1, ukiumut naatsorsuutit siulliup saqqummiunneqareernerani aqutsisut piginnaatissinnaavaat immikkut ittumik iluanaarutininik agguaaassasut.

*Imm. 2.* Piginnaatitsissut maleruagassani ilanngunneqassaaq killeqartinneqassappallu piginnaatitsinermi allaqqassalluni. Maleruagassani ilanngussineq immikkut ittumik akuersissummik piginneqataasuniit akuersissuteqartariaqanngilaq.

*Imm. 3.* Immikkut ittumik iluanaarutininik agguaaassineq aqutsisut nalunaarsuiffianni ilanngunneqassaaq, tak. § 21, imm. 1 siulleg, ataanilu eqqaaneqartut ilanngunneqarsimassallutik. Aqutsisoq ataasiinnaappat, immikkut ittumik iluanaarutininik agguaanissamut aaliangiineq allakkatigut tunniunneqassaaq, ullulerneqassalluni ukualu ilanngunneqassallutik,

- 1) aningaasat isertitat atortitallu assigiinnerat, takussutissiisoq aningaasanik atugassanik naammattumik agguaanissamut peqartoq. Ukiumut naatsortuutininut inatsit imaluunniit alla inatsit naapertorlugu suliffeqarfik kukkunersiorneqarnissamut pisinnaatitaaffeqarpat, ukiumut naatsorsuutininut inatsit kukkunersiuisumiit misissorneqarsimassaaq.
- 2) Aqutsisuniit nalunaarut, immikkut ittunik iluanaarutininik agguaanerup qaangissanngikkaa, akisussaassuseqarluni suliffeqarfiup ingerlaannarnissaanut aamma ingerlatsivik qitiusumik qullersaqarfinni suliffeqarfiup aningaasaqarneratigut inissisimaneratigut.

*Imm. 4.* Iluanaarutininik agguaanissamut aaliangiineq siusinnerpaamik piginnaavoq malittarisassat, tak. imm. 2, Erhvervs- og selskabsstyrelsenip edb-kkut paasissutissaatigut allatorneqareerpata tamanullu saqqummiunneqareerpata.

*Angusanic atuineq*

**§ 45.** Aningaasat, ukiumoortumik naatsorsuutit malillugit sinneqartoorutitut atugassanngortut, agguarneqarnissaat (iluanaarutit) piginneqataasut aalajangiiffigissavaat.

*Imm. 2.* Immikkut ittumik iluanaarutit § 44 a naapertorlugu imm. 1-imut atasut aammalu sinneqartoorutit ukiumi naatsorsuiffiusumi inernerit aningaasallu isertitat atortitallu assigiinnerat tikitsinnagu kisinneqarsimasut, tak. § 44 a, imm. 3, nr. 1 aningaasat agguanneqareersimanngippata, atorneqareersimanngippata imaluunniit allanut atugassatut attoqqusaanngippata. Pissamaatit ukiumi naatsorsuiffiusumi i pinngornikut imaluunniit atorneqarsinnaasut ukiumi naatsorsuiffiusumi aammattaaq atorneqarsinnaapput immikkut ittumik iluanaarutit.

*Imm. 3.* Ingerlatseqatigiiffiup iluanaarutisiatut atorsinnaavai aningaasat, ingerlatseqatigiiffiup ukiumoortumik naatsorsuutai akuerisat kingulliit malillugit sinneqartoorutitut nuussatut sillimmatitullu allatat, amigartoorutit nuussat ilanngaatigalugit. Makkuli atorneqarsinnaanngillat:

- 1) Ukiumoortumik naatsorsuutit pillugit inatsimmi § 35 naapertorlugu sillimmatit,
- 2) Piginneqataassutit nalissavii tunngavigalugit naatsorsueriaaseq malillugu qaffaanissamut silimmatit
- 3) qaffaanissamut aamma qummut iluarsiviginninnissamut sillimmatit allat tamarmik aamma
- 4) sillimmatit, malittarisassat naapertorlugit imaannaq atorneqarsinnaanngitsut.



*Imm. 4.* Piginneqataassutit nalissavii tunngavigalugit naatsorsueriaaseq malillugu qaffaanissamut sillimmatit tamakkiisumik ilaannakortumilluunniit atorneqarsinnaapput amigartoorutitut allatut iliornikkut matusivigineqarsinnaanngitsunut matusissutitut.

*Imm. 5.* Iluanaarutitik tunniussineq aningaasanik tigussaasunik tunniunneqanngippata, nalilersuinissamut nalunaarummik sanasoqassaaq, tak. § 7. Nalunaarummi uani eqqaaneqassaaq § 7, imm. 2, nr. 4, iluanaarummik tunisinermi annikitsumik piginneqataasunut aningaasaanngitsunik tunisisoqassammat.

#### *Aningaasaatinik ikililerineq*

**§ 46.** Piginneqataassutitut aningaasaatit ikilileriffiginissaat aalajangiiffigineqassaaq piginneqataasunit taasinerit amerlanerussuteqarneratigut, malittarisassanik allannngortitsinissamut piumasaqaataasutut.

*Imm. 2.* Aningaasaatit ikilileriffiginissaannik aalajangiinnermi aningaasat, piginneqataassutitut ikililiissutissat amerlassusaat (aningaasat ikililiissutit), aamma siunertarisat ukua arlaannut sorlermut atorneqarnissaat, taaneqassaaq:

- 1) amigartoorutitut matussutissatut,
- 2) piginneqataasunut tunniussassatut, imaluunniit
- 3) aningaasaateqarfimmut immikkut ittumut ileqqaagassatut, aatsaat piginneqataasut aalajangiinneratigut atorneqarsinnaasutut.

*Imm. 3.* Siunertanut imm. 2, nr. 2-mi 3-milu taaneqartunut aningaasanik ikililiissutissanik atuinissaaq piginneqataasut aatsaat aalajangiiffigininnaavaat, ikilileriffigininnerup kingorna piginneqataassutit nalivii tunngavigalugit naatsorsueriaaseq naapertorlugu qaffaanermut sillimmatit, qaffaanissamut aamma iluarsiviginninnissamut sillimmatit allat tamaasa sillimmatillu malittarisassat naapertorlugit atorneqarsinnaanngitsut, ukiumoortumik naatsorsuutit pilligit inatsimmi § 35 naapertorlugu piginneqataassutit tamakkiisumik matussutissaqartinneqarpata.

*Imm. 4.* Aqutsisut akisussaaffigaat ikilileriffigininnerup kingorna aningaasat immikkoortoq 3-mi taaneqartut tamakkiisumik matussutissaqartissallugit.

*Imm. 5.* Aningaasanik ikililiissutininnarnit amerlanernit ingerlatseqatigiiffiup aningaasaataanik, tak. imm. 2, nr. 2 3-lu, akiliisoqassappat tamanna aalajangernermi aningaasat piginneqataassutitik pisinermi iluanaarutit, Erhvervs- og Selskabsstyrelsen nalunaarsuina aamma imm. 8, tak. § 47, imm. 1, naapertorlugu tamanut nalunaarutiginninneq, taaneqassapput.

*Imm. 6.* Imm. 2, nr. 2 aamma 3-mi taaneqartunut siunertanut aningaasaatinik ikililerisoqassappat, aningaasap nalinga piginneqataasut taasaaniik annikinneruppat, aningaasat sinneruttut suliffeqarfiup sillimmataanut nuunneqassapput.

*Imm. 7.* Aningaasanik ikililerinnermi amigartoorutitut matussusiineq, tak. imm. 2, nr. 1, nalunaarusiortoqassaaq, amingartoorutit ullormi tassani aningaasanik ikililerinnermi nalinga minnerpaamik assigissagaa. Tassanili atuutissanngilaq piginneqataassutit aningaasartaa allineqarpat, aningaasat ikililerinnermi minnerpaamik assigippagit. Nalunaarut suliarineqassaaq nakerisarsiunngitsumik nalilersuisartumik, tak. ingerlatseqatigiiffiit pillugit inatsimmi § 6 b.

*Imm. 8.* Aningaasanik ikililerinnermut aalajangiineq maleruagassani kapitali 12 naapertorlugu nalunaarutigineqassaaq. Aalajangiinnerup atuuffissani annaassavaa nalunaarut Erhvervs- og Selskabsstyrelseni sapaatip akunneri sisamat aaliangiunneqarneraniit tiguneqarsimannippat.

**§ 47.** Aningaasat ikiliissutit tamakkerlugit ilaannaaluunniit siunertanut § 46, imm. 2, nr. 2-mi 3-milu taaneqartunut atorneqassappata, piginneqataassullu aningaasat ikililerinnermut, immaqalu aningaasat piginneqataassutitik pisinermi iluanaarutit tapilunneratigut, qaffanneqanngippat ingerlatseqatigiiffimmi pissallit, Erhvervs- og Selskabsstyrelsen nalunaarsuineratigut, kajumissaarneqassapput piumasaqaatitik ingerlatseqatigiiffimmut nalunaarutigeqqullugit,

taamalu tamanut nalunaaruteqaqquneqassapput styrelsip edb-informationssystemiatigut, § 46, imm. 5 naapertorlugu.

*Imm. 2.* Aningaasanik ikililerinissaq siusinnerpaamik pissaaq Erhvervs- og Selskabsstyrelsip edb-informationssystemiatigut nalunaarutiginninnerminngaanniit qaammatit pingasut qaangiutereerpata. Nalunaarutiginninnerit piumasaaqaatillu naammassineqarsimanngippata, piumasaaqaatillu akilernerqarsimanngitsut imaluunniit assortuussutaasut qularnaarneqarsimanngippata, aningaasanik ikililerisoqassanngilaq. Tamatumunnga aqutsisut akisussaapput.

*Imm. 3.* Erhvervs- og Selskabsstyrelsen-ip aalajangissavaa isumaqatigiinniartup aappaata qinnuteqaataani qularnaveeqqusiineq neqerorummot, tak. imm. 2, oqaaseqatigiit aappaat, aarlerinannginnersoq.

*Imm. 4.* Aningaasanik ikililerinermut atatillugu piginneqataassutaatilinnut nalilinnik aningaasaanngitsunik agguaasoqaraangat naliliinermik nalunaarusiortoqassaaq, tak. § 7. Tamatumunnga atatillugu § 7, imm. 2, nr. 4 naapertorlugu nalunaarummi taaneqassaaq aningaasanik ikililerineq, naliliineq piginneqataassutinik iluanaarutitaqarsinnaasooq nalilinnit aningaasaanngitsuninngarnit ikililerinermut nalingatut imaluunniit nalilittut allatulli naleqarmat.

*Imm. 5.* Aningaasaliissutinik ikililerinissamik nalunaarut aalajangiinerup nalunaarsoreerneraniit kingusinnerpaamik qaammatit 12-it qaangiutsinnagit tunniunneqanngippat, aalajangiineq atuussinnaassuseerutissaaq, aammalu § 46, imm. 5, naapertorlugu nalunaarutaasimasooq anpartseskabinut nalunaarsuiffimmiit piarneqassaaq.

#### *Utertitsilluni akiliineq*

**§ 48.** Piginneqataasunut akiliuteqartoqarsimappat inatsimmi matumani aalajangersakkanut akerliusumik, piginneqataasut aningaasat utertillugit akilissavaat ukiumoortumik erniaannik, kingusinaartumik akiliinermi il.il. erniat pillugit inatsimmi § 5, imm. 1 aamma 2 malillugit ernialiuussassatut aalajangikkamut 2 pct.-imik tapikkamut naapertuuttunik, ilallugit. Iluanaarutisianilli utertitsilluni akiliinermi tamanna aatsaat atuutissaaq, piginneqataasup takusinnaasimappagu imaluunniit takusinnaasariaqaraluarpagu tunineqarnerup inatsisunik unioqquutitsisuunera.

*Imm. 2.* Aningaasat akilersinniarneqarsinnaanngippata imaluunniit piginneqataasooq utertitsilluni akiliinissamut pisussaataaangippat, aningaasat tunniunneqarnissaannik aalajangiinermi imaluunniit tunniullugit akiliinermi imaluunniit naatsorsuutinik eqqunngitsunik naatsorsuusiormi akuersissutiginninnermiluunniit peqataasut akisussaataaassapput taarsiissuteqartarnermik maleruagassat nalinginnaasut malillugit.

#### *Taarsigassarsisitsineq, namminerisatut piginneqataassutit il.il.*

**§ 49.** Ingerlatseqatigiiffik ingerlatseqatigiiffimmi taassumaluunniit piginnittaatut ingerlatseqatigiiffimmi piginneqataassutaatilinnut, aktietilinnut imaluunniit pisortanut taarsigassarsisitsinaniluunniit qularnaveeqqusiissanngilaq. Ingerlatseqatigiiffik aamma inummot, oqaaseqatigiinni siullerni pineqartutut appariinnikkut imaluunniit kinguaariinni ilaqutaanikkut allatulluunniit immikkut ittumik qanigisaanikkut attuumassuteqartumut taarsigassarsisitsinaniluunniit qularnaveeqqusiissanngilaq.

*Imm. 2.* Ingerlatseqatigiiffik taarsigassarsisitsissanngilaq ingerlatseqatigiiffimmi piginneqataassutinik imaluunniit taassuma piginnittaatut anpartsselskabimi aktieselskabimiluunniit piginneqataassutinik pissarsinissamut aningaasersuutissanik. Ingerlatseqatigiiffik aamma aningaasanik atugassiinaniluunniit qularnaveeqqusiissanngilaq taamatut pissarsinissamut atatillugu.

*Imm. 3.* Taamaattorli imm. 1-imut 2-mullu akerliusumik qularnaveeqqusiissuteqarneq allanngortinneqarsinnaassanngilaq, isumaqatigiissusioqataasup nalusimappagu qularnaveeqqusiinerup aalajangersakkanut taakkununga akerliunera.

*Imm. 4.* Ingerlatseqatigiiffimmiit akiliinerit, imm. 1-imut 2-mullu akerliusumik atuinerusut, utertinneqartassapput kingusinaarluni akiliineri il.il. erniat pillugit inatsimmi § 5, imm. 1 aamma 2 malillugit ernialiuassassatut aalajangikkamut naapertuuttumik 2 pct.-imik tapikkamik ukiumoortumik ernialerlugit, annerusumik ernialiinissaq isumaqatigiissutaareersimangippat.

*Imm. 5.* Utertitsilluni akiliinissaq pisinnaangippat qularnaveeqqusiussallu atorunnaarsinneqarsinnaangippata, inuit imm. 1 aamma 2 malillugit atuinissamik aalajangiisimasut imaluunniit atuussinnaatitsuarsimasut ingerlatseqatigiiffiup annaasaanut akiliisusannngortitaassapput.

**§ 50.** § 49, imm. 1, oqaaseqatigiit siulliit, atuutissanngillat piginnittutut ingerlatseqatigiiffimmut taarsigassariaritanut aammalu piginnittutut ingerlatseqatigiiffiup pisussaaffii pilugit qularnaveeqqusiissutinut.

*Imm. 2.* § 49, imm. 1 aamma 2 atuutissanngillat ingerlatseqatigiiffimmi imaluunniit pigisatut ingerlatseqatigiiffimmi sulisut piginneqataassutaannik imaluunniit sulisut piginneqataassutissaannik pissarsinissaq siunertaralugu atuinerusunut. Ingerlatseqatigiiffik aatsaat aningaasanik tamatumunnga atuisinnaavoq ingerlatseqatigiiffiup nammineq piginneqataassutaatai aningaasanit iluanaarutisiatut agguanneqarsinnaangitsunit amerlaneruppata.

*Imm. 3.* Siulersuisut allattaaviini, tak. § 21, oqaaseqaasiisoqartassaaq imm. 2 malillugu atuisoqarneri tamaasa. Imm. 2-mut akerliusumik atuisoqarnerani § 49, imm. 3-5, taamatulli atuutinneqassapput.

**§ 51.** Anpartsselskabi ingerlatseqatigiiffimmi namminermi imaluunniit anpartsselskabimi aktieselskabimiluunniit piginnitsimisut ingerlatseqatigiiffiusumi piginneqataassutinik (namminerisatut piginneqataassutit) pisiumalluni nalunaarsinnaanngilaq, pissarsisinnaanani imaluunniit tigummissaqalersinnaanani.

*Imm. 2.* Imm. 1-imi aalajangersagaq akornutaassanngilaq inatsisitigut aalajangerneqartutut akiliilluni utertitsisussaannermik, ingerlatseqatigiiffiup pisussaaffigisaanik, naammassinninniutitut piginneqataassutinik pissarsinissamut. Piginneqataassutit, taamatut iliornikkut pissarsiarineqartut, tuniniarneqassapput, tamanna ingerlatseqatigiiffimmut annaasaqataangitsumik pisinnaalerniariapat kingusinnerpaamillu pissarsiarineriniit ukiut pingasut qaangiutsinnagit.

*Imm. 3.* Piginneqataassutit imm. 2 malillugu piffissaq eqqorlugu tunineqanngippata, qullersat siulersuisut taakkuninnga atorunnaarsitsissapput piginneqataassutinik taakkununga naapertuuttumik ikililerinermut atatillugu, tak. §§ 46 aamma 47.

*Imm. 4.* Immikkoortortaq akiliuteqarluni piginneqataassutinik pisinerani imaluunniit piginnitsimisut ingerlatseqatigiiffimmi piginneqataassutinik qularnaveeqqusiinerani imm. 1-3-mi aalajangersakkat taamatulli atuutissapput.

#### *Piginneqataassutinit annaasat*

**§ 52.** § 28-imi maleruagassat malillugit ingerlatseqatigiiffimmi qullersatut siulersuisut ingerlatseqatigiiffiup piginneqataassutimi affaanik annaasaqareerneraniit kingusinnerpaamik qaammatit arfinillit qaangiutsinnagit ingerlatseqatigiiffiup aningaasatigut inissisimanera pillugu piginneqataasunut nassuiaateqartussaapput pisariaqassappallu pineqaatissiisoqarnissaannut siunnersuuteqarluni, suliffeqarfiup atorunnaarsinneqarnerani aaliangiiffigineqartariaqartut.

## Kapitali 9

*Anpartsselskabini atorunnaarsitsineq  
Atorunnaartussanngorneq*

**§ 53.** Inatsisini allatut aalajangersaasoqarsimangippat anpartsselskabimik atorunnaarsitsinissaq piginneqataasunit aalajangiiffigineqassaaq ingerlatseqatigiiffinnillu atorunnaarsitsisarnertut naammassiniarneqassaaq. Atorunnaarsitsineq aammataaq piginnaavoq § 59 malillugu.

*Imm. 2.* Taamatut atorunnaarsitsinissaq inatsisini imaluunniit ingerlatseqatigiiffiup malittarisassaani imaluunniit inatsit manna malillugu Erhvervs- og Selskabsstyrelsimit peqqussutigineqarsimatillugu piginneqataasut taasinermi nalinginnaasumik amerlanerussuteqarneratigut aalajangiiffigineqassaaq, tak. § 32. Pisuni allani aalajangiineq pissaaq malittarisassanik allanguuteqartitsinissamut piumasarineqartutut taasinerit amerlanerussuteqarneratigut, tak. § 33.

*Imm. 3.* Atorunnaarsitisup isumagissavaa aalajangiinermik nalunaarut Erhvervs- og Selskabsstyrelsimi tiguneqareersimassasoq aalajangiisoqareerneraniit kingusinnerpaamik sapaatit akunneri marlut qaangiutsinnagit. Aalingiinnermut nalunaarut Erhvervs- og Selskabsstyrelsimut nalunaarutiginninnermi akiligassaqarfinnut nalunngisanut tamanut nassiunneqassaaq.

*Imm. 4.* Anpartsselskabip atorunnaarsinniarneqartup taaguutini atuinnassavaa “atorunnaarsinniarneqartoq” uiguusiullugu.

**§ 54.** Anpartsselskabimik atorunnaarsitsinissami piginneqataasut ikiortissamik ataatsimik arlalinnilluunniit qinersissapput. Piginneqataasut, piginneqataassutit sisamararterutaannik pigisaqartut, atorunnaarsitsinissami ikiortissamik suli allamik qinersisinnaatitaapput. Atorunnaarsitsinissami ikiortit tamatuma kingorna aqutsisuulissapput.

**§ 55.** (Atorunnaarsinneqarpoq)

**§ 56.** Nalunaarsorneqarnermi § 53, imm. 3-lu naapertorlugu tamanut saqqummiussinermi Erhvervs- og Selskabsstyrelsenip edb-kkut paasisutissiisarfiatigut suliffeqarfiup akiligassaqarfii innaneqarput aningaaserisunut pisussaataaffitsik nalunaarutigeqqullugu. Aningaaserisup aaliangiineq nalunaarutigippagu § 53, imm. 3 naapertorlugu suliffeqarfiup akiligassaqarfii aaliangiinermik nalunaarfigissavai.

*Imm. 2.* Pigisat inaarlugit naatsorsornerat atorunnaarsitisup sularisinnaavai siusinnerpaamik tamanut nalunaarutiginninnerminngaanniit qaammatit pingasut qaangiunneratigut.

*Imm. 3.* Piumasaqaat nalunaarutigisaasutut akuerineqarsinnaangippat, akiitsoqarfigisaq tamatuminna ilisimatinneqassaaq allakkatigut tammatsaaliukkatigut ilanngullugu ilisimatitsissutigalugu akiitsoqarfigisap, aalajangiineq suliassanngortikkusussaguniuk, pigisanik agguaaassisarnermut eqqartuussivimmut qaammatit pingasut qaangiutsinnagit allakkat nassiunneriniit apeqquteqartoqarsinnaavoq.

*Imm. 4.* Pisassarisat nalunaarutigineqartut najugarisaq naammassineqarpat, piginneqataasut agguagarsiassaanniit suli agguaanneqanngitsuniit akilerneqassaaq.

*Agguagarsisitsineq*

**§ 57.** Piginneqataasunut aatsaat agguagarsisitsisoqarsinnaavoq, piffissaliussaq nalunaarummi § 56, imm. 1-imi taaneqartumi aalajangerneqartoq naareerpat akiitsoqarfigisallu nalunngeriikkat akilerneqareerpat. Atorunnaarsinniakkap pigisaanik sulissuteqarneq naammassineqassanngilaq, § 56, imm. 2 naapertorlugu saqitsaassutaajunnartut aalajangiiffigineqareersinnagit.

*Imm.* 2. Atorunnaarsitsiniarnermi inissutaasumik naatsorsuutit, kukkunersiukkat piginneqataasunit akuersissutigineqareerneranniit sapaatit akunneri tallimat qaangiutsinnagit ingerlatseqatigiiffiup nalunaarsuiffimmiit peerneqarnissaanik atorunnaarsitsinermi ikiortit piginneqataasunut nalunaarutaat Erhvervs- og Selskabsstyrelsimut nassiuqqassaaq. Nalunaarummut taassumunnga ilanngussatut atorunnaarsitsinermi naatsorsuutit ilaatinneqassapput. Atorunnaarsitsiniarnermi inissutaasumik naatsorsuutit kukkunersiorneqassapput, suliffeqarfik kukkuneriuisut pisusaatitaaffiannik ukiumut naatsortuutitut inatsit imaluunniit inatsit alla naapertorlugu.

**§ 57 a.** Piginneqataasut § 56, imm. 1-mi killissaritinneqartoq ukiunut marlunnut, suliffeqarfiup aningaasaatai tigorianaannngorneraniit, iluanaarutit agguanneqarnissaat akuerisinnaavaat. Aningasanik agguaanissamut akuersissut ukiumi kingullermi kisitsiffiusumi nalunaarutit tunngavigissavai.

*Imm.* 2. Piginneqataasut suliffeqarfiup aningaaserisua imm. 1-mi taaneqartoq piffissaq immikkut ittumik iluanaarutit agguaffigissinnaavaa.

*Imm.* 3. Pisinnaatitsissut akuerineqarsinnaavoq taasineri amerlanerussuteqarnikkut tak. § 32, siulleg, malittarisassanilu ilanngunneqassalluni. Pisussaatsineq imm. 1-mi piffissap naanerani atorunnaassaaq. Malittarisassani ilanngussineq piginneqataasut immikkut akuersiteqqaartariaqanngilaq.

*Imm.* 4. Aningaaserisut aalingiinerat immikkut ittumik iluanaarutit agguasoqassasoq allakkatigit oqaasertaqassaaq, ullulerneqassalluni ukualu ilanngunneqassallutik:

- 1) Aningaasat eseritat atortitallu assigiinnerat takutitsisoq aningaasanik agguaanissamut naammattut. Suliffeqarfik kukkunersiortumik pisussaataaffeqarpat ukiumut naatsortuutit inerneritut inatsit naapertorlugu imaluunniit inatsit alla, aningaasat iseritat atortitallu assigiineri kukkunersiuisumit misissorneqaaqassapput.
- 2) Aningaaserisuniit nalunaarut immikkut ittumik iluanaarummik tunisinerup, suliffeqarfiup aamma ingerlatsivik qitiusumik qullersaqarfiup suliffeqarfissuup aningaasaqarnera taamaaliorneq illersorsinnaasorippassuk.

*Imm.* 5. Immikkut ittumik iluanaarutit agguaneq siusinnerpaamik pisinnaavoq malitassap allannngortinneqarnerata, tak. Imm. 3 nalunaarsorneqareernerani tamanullu saqqummiunneqareernerani Erhvervs- og Selskabsstyrelsenip edb-kkut paasissutissiisarfiani, ullup tulliani.

*Imm.* 6. Iluanaarutit aamma immikkut ittumik iluanaarutit tunniussisarneq aningaaserisut qaangissanngilaat, illersorsinaassuseqarneq, suliffeqarfiup akilersuisinnaanera, aammalu suliffeqarfiup ingerlatsivik qitiusumik qullersaqarfiup aningaasaqarneratigit inissisimanera.

**§ 58.** Ingerlatseqatigiiffiup anpartsselskabinut nalunaarsuiffimmiit piarneqareerneratigit aningaasanik suli allanik saqqummersoqassappat imaluunniimmi taamaasiornissamut pissutissaqassappat, pigisanik isumannaariniarneq Kalaallit Nunaata Eqqartuussiviata aalajangiinera malillugu nangeqqinneqarsinnaavoq. Pigisanik isumannaariniarnermik nangitsineq tamatumalu naammassineranik nalunaarut Erhvervs- og Selskabsstyrelsimi tiguneqareersimassaaq eqqartuussiviup aalajangeereerneraniit imaluunniit suliata naammassereerneranniit kingusinnerpaamik sapaatit akunnerisa tallimat qaangiunneratigit.

*Akiliinermik nalunaarut tunngavigalugu atorunnaarsitsineq*

**§ 59.** Ingerlatseqatigiiffinni, akiitsoqarfigisanut tamanut akiliisimasuni, piginneqataasut Erhvervs- og Selskabsstyrelsimut uppersaataitut nalunaarutigisinnaavaat akiitsut, akiligassanngorsimasut akiligassanngorsimannngitsullu, tamarmik akilerneqartut ingerlatseqatigiiffillu atorunnaarsinneqartoq. Piginneqataasut aqqi najugaallu taamatut nalunaarummi taagorneqassapput.

*Imm. 2.* Erhvervs- og Selskabsstyrelsen atorunnaarsitsineq aatsaat nalunaarsorsinnaavaa, nalunaarut atsiuereernermit kingusinnerpaamik sapaatik akunnerisa tallimat qaangiunnerisigut styrelsimi tiguneqarsimassappat. Nalunaarut ilanngussivigisaassaaq akitsuuserisutut akileraaruserisutullu pisortat ingerlatseqatigiiffik pillugu akileraarutitigut akitsuusiussatigullu piumasqaateqannginnerminnut uppersaatitut nalunaarutaannik.

*Imm. 3.* Piginneqataasut namminneq, nammaqatigiillutik killiligaanngitsumillu akisussaaffigissavaat akiitsut, akiligassanngorsimasut akiligassanngorsimanningsullu imaluunniit assortuussutaasut, nalunaaruteqarnerup nalaani suli piusut. Aningaasanik sinneruttoqassappat taakku piginneqataasunut agguanneqassapput.

#### *Pinngitsaaliissummik atorunnaarsitsineq*

**§ 60.** § 53, imm. 2-mi oqaaseqatigiinni siullerni pineqartut atorunnaarsitsinissaq akuersissutigineqanngippat, imaluunniit atorunnaarsitsinermi ikiortissamik toqqaasoqanngippat, Erhvervs- og Selskabsstyrelsen Kalaallit Nunaata Eqqartuussivianik qinnuiginninneratigut ingerlatseqatigiiffik pinngitsaaliissummik atorunnaarsinneqassaaq.

*Imm. 2.* Erhvervs- og Selskabsstyrelsen ingerlatseqatigiiffiup atorunnaarsinneqarnissaanik piumasqaarluni aalajangernera Atuagagdliutitigut Statstidendikkullu aammalu Erhvervs- og Selskabsstyrelsen qarasaasiatigut paasissutissiisarfiagut tamanut nalunaarutigineqassaaq.

*Imm. 3.* Ingerlatseqatigiiffiup taaguutini atuinnaassavaa “pinngitsaaliissummik atorunnaarsinniarneqartoq” uiguutigalugu.

*Imm. 4.* Kalaallit Nunaata Eqqartuussivia atorunnaarsitsinermi ikiortissamik ataatsimik arlalinnilluunniit toqqaasinnaavoq. Atorunnaarsitsinermut aamma atuutissapput kapitalimi matumani atorunnaarsitsineq pillugu aalajangersakkat pisariaqarneratut oqilisaaserlugit. Atorunnaarsitsinermi aningaasartuutit pisariaqassappat naalagaaffiup karsianit akilerneqassapput.

*Imm. 5.* Pigisanik isumannaariniarneq naammassippat Kalaallit Nunaata Eqqartuussiviata tamanna Erhvervs- og Selskabsstyrelsimut, ingerlatseqatigiiffimmik nalunaarsuiffimmiit peer-sisussamut, nalunaarutigissavaa.

**§ 61.** Erhvervs- og Selskabsstyrelsen aalajangersinnaavaa, ingerlatseqatigiiffik atorunnaarsinneqassasoq, pisariaqassappat § 60 malillugu, styrelsi ukiumoortumik naatsorsuutit il.il., ukiumoortumik naatsorsuutit pillugit inatsit malillugu pissusissamissut suliaasunik, piffissaq eqqorlugu tigusaqarsimannippat, imaluunniit ingerlatseqatigiiffik inatsimmi malittarisassaniluunniit peqqussutaasut siulersuisoqanngippat imaluunniit kukkunersuisoqanngippat tamannalu Erhvervs- og Selskabsstyrelsen piffissaliussaa naatinnagu aaqiivigineqanngippat.

*Imm. 2.* Erhvervs- og Selskabsstyrelsen aammattaaq aalajangersinnaavaa ingerlatseqatigiiffik atorunnaarsinneqassasoq, pisariaqassappat § 60 malillugu, ingerlatseqatigiiffik ukiumoortumik naatsorsuutit pillugit inatsit malillugu kukkunersiorneqarnissamut pisussaasoq kukkuinersiusoq nalunaarutigisimannippagu, tamannalu Erhvervs- og Selskabsstyrelsen piffissaliussaa qaangiutsinnagu iliuseqarfigineqarsimannippat. Oqaaseqatigiit siulliit taamatuttaaq atuutissapput, ataatsimeersuartut aalajangerpata ingerlatseqatigiiffiup ukiumoortumik nalunaarutaa kukkunersiorneqassasoq.

#### *Suliffeqarfimmik ingerlasseqqilerneq*

**§ 62.** Agguagarsitsineq ingerlanneqalereersimannippat, piginneqataasut § 33, imm. 1, maleruarlugu aalajangersinnaavaat ingerlatseqatigiiffiup ingerlassineranik nangitseqqinnissaq. Taamaasiornissami siulersuisussanik, tak. § 19, aamma kukkunersuisumik qinersisoqartariaqarpoq. Piginneqataasutit aningaasanut pigisanut nalikillineqassapput.

Piginneqataassutitut pigisat 125.000 koruuninit ikinneruppata, minnerpaamik taakkunatut amerlassuseqalersinneqassapput.

*Imm. 2.* Atorunnaarsitsiniarnerup taamaatinneqarneranik ingerlatseqatigiiffiullu ingerlassaminik nangitseqqinnissaanik nalunaarut Erhvervs- og Selskabsstyrelsimi tiguneqareersimassaaq aalajangernermit kingusinnerpaamik sapaatit akunneri tallimat qaangiuppata. Nalunaarut ilanngussivigisaassaaq imm. 1-imi piumasarisat naammassineqarnerannut uppernarsaatinik.

Nakerisarsiorani naliliisarteq, tak. aktieselskabit pillugit inatsimmi § 6 b, aningaasat piunerat inatsisillu piumasaqaatai eqqortinneqarnersut pillugit nalunaarusiussaaq.

*Imm. 3.* Imm. 1 aamma 2 taamatulli atuutinneqassapput, ingerlatseqatigiiffik, Kalaallit Nunaata Eqqartuussiviatigut pinngitsaaliissummik atorunnaarsinniarneqarteq, nalunaaruteqarpat pigisanik isumannaariniarnerup unitsinneqarnissaanik, ingerlatseqatigiiffiullu ingerlassaminik nangitseqqinnissaanik. Nalunaarut Erhvervs- og Selskabsstyrelsimi pinngitsaaliissummik atorunnaarsitsinissaaq pillugu Kalaallit Nunaata Eqqartuussivianut piumasaqareerneraniit kingusinnerpaamik qaammatit pingasut sapaatillu akunneri pingasut qaangiuttut tiguneqanngippat, imaluunniit ingerlatseqatigiiffik ukiut kingulliit tallimat ingerlanerini pinngitsaaliissummik atorunnaarsinniarneqareersimappat, nalunaarsuisoqarsinnaanngilaq.

### *Ingerlatseqatigiiffinnik imaluunniit naatsorsuuserinermik ilisimasalinnik toqqaaneq*

**§ 63.** Erhvervs- og Selskabsstyrelsi ingerlatseqatigiiffimmut, §§ 60 imaluunniit 61 malillugit pinngitsaaliissummik atorunnaarsitaanissamut patsisissaatitanik naammassinnittumut, ingerlatseqatigiiffinnik naatsorsuuserinermillu ilisimasalinnik toqqaasinnaavoq, ingerlatseqatigiiffik sinnerlugu naatsorsuusiortussamik ilanngullugulu ingerlatseqatigiiffiup naatsorsuutaanik, atuagaataanik, nalunaarsuiffinik allattaaviinillu allatigullu pissutsinik isornartorsiorluni misissuisussamik. Erhvervs- og Selskabsstyrelsimi aalajangersassavai ingerlatseqatigiiffinnik naatsorsuuserinermillu ilisimasallip suliassaasa suunerat annertussusissaallu, suliassanut imm. 2-mi 3-milu taaneqartunut tunngassuteqarsinnaasut.

*Imm. 2.* Naatsorsuutit sapinngisamik angusat naatsorsornerinik oqimaaqatigiissaarinermillu imaqaassapput sularineqassallutillu inatsisini maleruagassat malillugit ukiup naatsorsuusiortiusup kingulliup naaneraniit qaammatip ilisimasalinnik toqqaanerup siornatunginnguaniittup naaneranut tunngatitatut. Naatsorsuutit suliassapput ukiumoortumik naatsorsuutit pillugit inatsimmut naapertuuttumik pisariqarneratut allaassutitalerlugit.

*Imm. 3.* Ingerlatseqatigiiffinnik imaluunniit naatsorsuuserinermik ilisimasalik pissutsit pingaarnerit, pinngitsaaliissummik atorunnaarsitsinissamut pequtaasut, pillugit nassuiaasiussaaq. Nassuiaasiaq ilanngussivigisaassaaq sularisimasat pillugit oqaaseqaammik, ilanngullugit taallugit naatsorsuutit ulluinnarni naatsorsuuserineq tunngavigalugu sularineqarsimanerat, ingerlatseqatigiiffinnik naatsorsuuserinermillu ilisimasalittut paasissutissat piumasani pisimanerini, kiisalu ingerlatseqatigiiffinnik naatsorsuuserinermillu ilisimasalittut naliliisarnini naapertorlugu sukumiinerusumik misissorneqassanersoq pinerluttulerinermik, ingerlatseqatigiiffinnik, ukiu- moortumik naatsorsuusiortnermik, naatsorsuuserinermik, akileraartarnermik akitsuusiisarnermillu inatsisit unioqquatinneqarsimasinnaanerit.

*Imm. 4.* Ingerlatseqatigiiffinnik imaluunniit naatsorsuuserinermik ilisimasallip sulineranut atatillugu aningaasartuutit il.il. naalagaaffiup karsianit akilerneqassapput, aningaasassaqaarnerli naapertorlugu ingerlatseqatigiiffimmit naggataagut akilerneqarumaarput.

*Imm. 5.* Ingerlatseqatigiiffinnik imaluunniit naatsorsuuserinermik ilisimasalik ingerlatseqatigiiffimmi misissuisinnaavoq aammalu siulersuisut, qullersaqarfik ingerlatseqatigiiffimilu sulisut paasissutissanik suliaminik ingerlatsinissamut pisariaqartitaminik qinnuigisinnaallugit. Aammattaaq ingerlatseqatigiiffinnik imaluunniit naatsorsuuserinermik ilisimasallip ingerlatseqatigiiffiup isumaqatigiissuteqarfigisimasai,

anigaaseriviit attaveqarfii, kukkunersuisui assigisaallu qinnuigisinnaavai paasissutissanik, ingerlatseqatigiiffiup siulersuisuisa piumasarisinnaasaanik.

*Imm. 6.* Inuit imm. 5-imi taaneqartut, Erhvervs- og Selskabsstyrelsimit qinnuigineqarnermikkut pisussaapput ingerlatseqatigiiffinnik imaluunniit naatsorsuuserinermik ilisimasallip suliassaminik ingerlatsinissaminut pisariaqarsorinninnera naapertorlugu ingerlatseqatigiiffiup naatsorsuutaanik il.il. tunniussinissamut. Pineqartup tunniussinngikkallarsinnaatitaagaluaruniluunniit tigummisani tunniutissavai, atorneqareerunik imminut utertitsinneqartussat. Erhvervs- og Sel-skabsstyrelsi eqqartuussisutigut akuersissummik peqanngikkaluarluni naammattumilli kinaassutsiminik uppersaasinnaaguni inunnit imm. 5-imi taaneqartuniit naatsorsuutinik il.il. suknulluunniit pissarsinnaatitaavoq. Pisariaqassappat politiit tamatumunnga ikiortigineqarsinnaapput. Ikiorserneqarneq pillugu maleruagassat erseqqinnerusut Erhvervs- og Selskabsstyrelsimit aalajangersarneqarsinnaapput inatsisinik atortitsinermut ministeri isumaqatiginiareerlugu.

#### *Akiliisinnaajunnaarnermut ikaarsaariarneq*

**§ 64.** Ingerlatseqatigiiffik sinnerlugu akiliisinnaajunnaartutut nalunaarutigineqarnissamik kissaateqarneq taamaallaat qullersatut siulersuisunit nalunaarutigineqarsinnaavoq.

*Imm. 2.* Atorunnaarsitsinermi ikiortit isumaqarunik atorunnaarsitsineq akiligassaqarfigisanut tamakkiisumik akiliuteqarfiunaviangitsoq, akiliisinnaajunnaarnerup nalunaarutigineqarnissaa piumasaqaatigissavaat.

*Imm. 3.* Ingerlatseqatigiiffik § 60 naapertorlugu atorunnaarsinneqassappat, akiliisinnaajunnaartutut nalunaarutigineqarnissamik kissaatigisaq akiliisinnaajunnaarnermi ikiortimit nalunaarutigi-neqassaaq. Akiliisinnaajunnaarnermi ikiortissamik toqqaasoqarsimanngippat Kalaallit Nunaata Eqqartuussiviata nammineerluni ingerlatsinermigut akiliisinnaajunnaarneq aalajangiiffigisinnaavaa.

*Imm. 4.* Anpartsselskabip akiliisinnaajunnaartup atini pigiinnassavaa oqaaseq “akiliisinnaajunnaaqqasoq” uiguusiullugu.

*Imm. 5.* Akiliisinnaajunnaarnerup naammassineqarneranik nalunaarsuinerumut atatillugu ingerlatseqatigiiffik anpartsselskabit nalunaarsuiffianniit peerneqassaaq, Kalaallit Nunaata Eqqartuussiviata nalunaarutaani allatut allassimasoqanngippat.

### Kapitali 10

#### *Kattutitsineq aamma aktieselskabinngortitsineq ingerleqatigiiffiullu aggorneqarnera*

**§ 65.** Anpartsselskabi pigisaanik tuniniaanertaqanngitsumik atorunnaarsinneqarsinnaavoq ingerlatseqatigiiffiup pigisaasa nalillit akiitsuisalu ataatsimut anpartsselskabimut allamut imaluunniit aktieselskabimut tunniunnerisigut. Aamma taamaappoq, anpartsselskabit imaluunniit aktieselskabit marluk arlallilluunniit ataatsimut katigutinneqassappata nutaatut anpartsselskabinngorlugit imaluunniit aktieselskabinngorlugit. Aktieselskabit pillugit inatsimmi kapitali 15-imi kattutitsineq pillugu aalajangersakkat atuutitinneqassapput. Kattutitsinissamik aalajangiineq anpartsselskabimi taasinerit amerlanerussuteqarneratigut, malittarisassanik allannguuteqartitsinisamut piumarineqartutut, tak. § 33, aalajangiinerussa.

*Imm. 2.* Kattutitsinermi suliffeqarfiulersoq anpartsselskabiuppat aktieselskabit pillugit inatsimmi § 134 b, imm. 3-5 atuutissanngilaq.



*Aktieselskabinngortitsineq*

§ 66. Anpartsselskabimi piginneqataassutillit amerlanerussuteqarnikkut, malittarisassanik allannguuteqartitsinissamut piumasarineqartutut, akuersissutigisinnaavaat ingerlatseqatigiiffiup aktieselskabinngortinnissaa. Piginneqataassutillit, aalajangiineqalersinnagu, naliliineq pillugu nalunaarusiamik, aktieselskabit pillugit inatsimmi §§ 6a aamma 6 b malillugit suliarineqartussamik, ilisimatinneqassapput. Aammattaaq aktieselskabit pillugit inatsimmi § 6c taamatulli atortuutinneqassaaq aktieselskabinngortitsinissap aalajangiiffigineqareerneratigut piginneqataassutitigut pissarsianut.

*Imm.* 2. Aktieselskabinngortitsinissap akuersissutigineqarneranik nalunaarut akuersissutiginnereernermit sapaatit akunneri marluk qaangiutsinnagit anpartsselskabimi piginneqataassutillinnut tamanut, aalajangiinermi peqataanngitsunut, nassiuuneqassaaq.

§ 67. Aktieselskabinngortitsineq pisutut naatsorsuuneqassaaq, malittarisassat aktieselskabit pillugit inatsimmi piumasaqaataasunut naapertuuttunngorlugit allanngortinneqarpata, aammalu malittarisassat taakku nalunaarsorneqareerlutillu Atuagagdliutini aamma Erhvervs- og Selskabsstyrelsen qarasaasiatigut paasisutissiisarfiagut tamanut nalunaarutigineqareerpata.

*Imm.* 2. Aktieselskabinngortitsineq nalunaarsorneqareersinnagu piginneqataassutit allagartaannik tunniussisoqassanngilaq, tamatumani tak. aktieselskabit pillugit inatsimmi § 21.

*Imm.* 3. Aktieselskabinngortitsinermiit ukiut tallimat qaangiussimappata, piginneqataasullu tamarmik piginneqataassutimik allagartaasa tunniunneqarnissaat kissaatigisimangippassuk, siulersuisut Atuagagdliutini aamma Statstidendemi nalunaaruteqarnikkut pineqartoq pineqartulluunniit kajumissaarsinnaavaat qaammatit arfinillit qaangiutsinnagit piginneqataassutimik allagartaannik aalleqqullugit. Piffissap naanerani saaffiginnittoqarsimangippat siulersuisut, piginneqataasut aningaasartuutigisassaannik, piginneqataassutinik tuniniaasinnaapput. Ingerlatseqatigiiffik nalunaarusiornermut tuniniaanermilu aningaasartuutiminut matussutissanik tunisinermi iluanaarutiniit ilanngaasinnaavoq. Tunisinermi iluanaarutit tunisinermiit ukiut tallimat qaangiunneranni aaneqarsimangippata ingerlatseqatigiiffimmut tigusassanngortinneqassapput.

*Ingerlatseqatigiiffiup aggorneqarnera*

§ 67 a. Piginneqataassutillit amerlanerussuteqarnikkut, § 33, imm. 1 naapertorlugu malittarisassanik allannguuteqartitsinissamut piumasarineqartutut, ingerlatseqatigiiffik aggorneqassasoq aalajangersinnaavaat. Ingerlatseqatigiiffiup aggorneqarnerani pigisat pisussaaffiillu tamaasa aktieselskabinut anpartsselskabinulluunniit pioreersunut nutaanulluunniit pigisassanngortinneqassapput, ingerlatseqatigiiffimmi piginneqataassutillit aningaasaliisut akiliuteqartillugit. Piginneqataassutillit amerlanerussuteqarneq atoriigartik atorlugu ingerlatseqatigiiffiup aggorneqarnissaanik aalajangersinnaapput, taamaaliornikkut ingerlatseqatigiiffiup pigisami pisussaaffimmilu ilai ingerlatseqatigiiffimmut arlalinnuunniit imaluunniit ingerlatseqatigiiffinngorlaamut pigisassanngortissammagit. Aningaasanik pisassallit akuersiteqqaarnagit tunniussineq ingerlanneqarsinnaavoq. Aktieselskabit pillugit inatsimmi kapitali 15 naapertorlugu ingerlatseqatigiiffiup aggorneqarnissaanik aalajangersakkat atuutinneqassapput.

*Imm.* 2. Ingerlatseqatigiiffiup aggorneqarnerani peqataasup aningaasassai tunniunneqanngippata ingerlatseqatigiiffiit, ingerlatseqatigiiffiup aggorneqarnissaanik avammut nalunaaruteqarnermi suliallit, peqataasut tamarmik ataasiakkaarlutik akiliinissaminut pisussaaffitik naammassissaavaat, taamaattorli piffissami tassani ingerlatseqatigiiffimmut aningaasaliissutit annertoqataanik imaluunniit akiitsut ilanngaatigereerlugit pigisat naligiligaasa annertoqataanik.

*Imm. 3.* Aggulutsitsinermut kattutsitsinermiluunniit allamat tunngasumi, sulili naammassineqanngitsumi, ingerlatseqatigiiffinnik pilersoqarpat, tamanna aggullutsitsinissamat pilersaarummi allaqqassaaq, tak. § 136 a, imm. 1, nr. 1. Ingerlatseqatigiiffingortunut aggulutsitsineq ingerlaneqassaaq, nalunaarutigineqassaarlu aggulutsitsinerup kattutsitsinerulluunniit kingornagut Erhvervs- og Selskabsstyrelsimut, tak. § 136 i.

## Kapitali 11

### *Anpartsselskabit nunani allamiunit pigineqartut immikkoortoqarfii*

**§ 68.** Aktieselskabit pillugit inatsimmi aktieselskabit nunani allamiunit pigineqartut immikkoortoqarfii pillugit kapitali 17 taamatulli atuutinneqassaaq anpartsselskabinut ingerlatseqatigiiffinnullu allanut inatsisitigut assingusumik tunngavilinnut. Taamaattorli immikkoortoqarfik nalunaarsugassatut nalunaarutigineqartassaaq inatsimmi matumani kapitali 12 malillugu.

*Imm. 2.* Immikkoortoqarfiup taaguuminut ilanngutissavaa ingerlatseqatigiiffiup taaguutaa oqaaseq “immikkoortoqarfik” uiguusiullugu ingerlatseqatigiiffiullu sumiuussusaa erseqqissumik nalunaarlugu. Immikkoortoqarfiit allakkaminni niuernermilu pappialaminni nalunaarsimassavaat taaguut, najugaqarfik (allaffik pingarneq) nalunaarsorneqarnermilu normu kiisalu ingerlatseqatigiiffiup piginnitsimi nunami angerlarsimaffigisaani nalunaarsorsimaffigisinnaasaa nalunaarsorneqarnermilu normua. Piginneqataassutit amerlassusaat pappialani taakkunani taaneqarsimap-pata aamma piginneqataassutissatut nalunaarutigisat piginneqataassutitullu akilereersimasat annertussusaat taaneqassapput.

## Kapitali 12

### *Nalunaaruteqartarneq nalunaarsuisarnerlu il.il.*

**§ 69.** Allakkat, allakkat assilineqarneri assigisaallu Erhvervs- og Selskabsstyrelsimeersut pappiaraasinnaapput imaluunniit qarasaasiatigoorsinnaapput. Qarasaasiakkut allakkiat ilusaat apeqqutaatinnagu inatsisitigut naligititaapput. Allakkiat atsiorneqarlutilluunniit atsiugaassanngillat, naqitsimmik atsiugaasinnaapput, qarasaasiakkut atsiugaasinnaapput imaluunniit styrelsip piumasaa naapertorlugu atsiugaasinnaallutik. Taamaattorli allakkiat qarasaasiatigoortut ilumuussusaat uppersarnerqassapput qarasaasiaq iluaqutsiullugu atsiornikkut.

*Imm. 2.* Inatsit manna naapertorlugu nalunaarutit, naatsorsuutit allakkiallu allat Erhvervs- og Selskabsstyrelsimut nassiussat pappiiaasinnaapput imaluunniit qarasaasiakkut pisinnaapput. Allakkiat ilusaat apeqqutaatinnagu inatsisitigut naligititaapput. Assammik atsiorneqarsinnaapput, naqitsimmik, qarasaasiakkut imaluunniit taamaaqataanik, styrelsip erseqqinnerusumik aalakangersagaa naapertorlugu. Allakkiat pineqartut qarasaasiatigoortitat pillugit styrelsi malittarisassiussaaq, styrelsip aalajangeqqissaartumik aaqqiineratigut nassiussineq aamma ilanngullugu. Tamatuma saniatigut qarasaasiatigut systemit atornerqarnerannut styrelsi erseqqinnerusumik piumasaqaasiorsinnaavoq.

*Imm. 3.* Nalunaaruteqarnermut nalunaarsuinernullu styrelsi maleruagassiussaaq, pissutsit suut nalunaaruteqartut allalluunniit namminneq imaluunniit pinngitsooratik styrelsip edb-eqarfianut nalunaarsuisussat, systemillu taassuma atornera ilanngullugit. Nalunaarsuinerit taama-ittut atuutilissapput nalunaaruteqartarnernut taarsiullugu. Nalunaarsuinerit pineqartunut § 71 taamatutaaq atuutissaaq.

*Imm. 4.* Statstidende-kut nalunaarut ilanngunneqartussaq pillugu styrelsip edb-systemiata atorineqarnera pillugu Erhvervs- og Selskabsstyrelsi erseqqinnersumik malittarisassiorsinnaavoq. Taamatuttaaq Erhvervs- og Selskabsstyrelsip edb-informationssystemiatigut nalunaarummik ilanngussinissaq pillugu erseqqinnersumik malittarisassiorsinnaavoq, matumunnga ilanngullugu nassiussineq qarasaasiatigut ingerlanneqarsinnaanersoq imaluunniit ingerlanneqartussaanoersoq.

*Imm. 5.* Erhvervs- og Selskabsstyrelsi maleruagassiussaq, danskit oqaasiisa saniatigut Fællesskabip iluani oqaatsit pisortatigoortumik atorineqartut atorlugit ingerlatseqatigiiffinnut tunngasumik paasissutissanik tunniussaqaarnissamut tamanullu saqqummiussaqaarnissamut ingerlatseqatigiiffiit periarfissaqaarnissaannut. Allagaatit paasissutissallu, qallunaatut pinngitsooratik nalunaarutiginnissutaareersut tamanullu saqqummiunneqareersut, nutserneqarnerallu pinngitsaaliissutaangitsumik tamanut saqqummiussaareersunut tunngatillugu isumaqatigiinngittoqartillugu, nutsigaq ingerlatseqatigiiffiup pingatsiuttumut atuutilersissinnaanngilaa. Pinngitsaaliissutaanngitsumilli tamanut saqqummiunneqartoq pingatsiuttup ingerlatseqatigiiffimmuut atuutilertussanngortissinnaavaa, tamanut saqqummiussap oqaasertai, nalunaarsuiffikkut saqqummiunneqartoq, pineqartup ilisimagai uppersarneqarsinnaappat. Allagaatit pinngitsaaliissutaangitsumik nassiussanut tamanullu saqqummiussanut § 71 atuutissanngilaq.

*Imm. 6.* Nalunaaruteqartitsinermut akiliuteqartitsisoqaarnissaanut styrelsi malittarisassiorsinnaavoq. Aamma allakkiat assilineqarnerannut il.il., nalunaarutininut kiisalu styrelsip edb-systemiata atorineqarneranut styrelsi akiliuteqartitsinissamut malittarisassiorsinnaavoq. Kingusinaarluni akiliisoqartillugu allakkanut nukingisaarutininut il.il. styrelsi akiliuteqartitsinissamut aalajangersaasinnaavoq.

*Imm. 7.* Aningaasaatinik annaasaqarneq, anpartsselskabi piginneqataasumik attartugassitsisoq il.il. kiisalu immikkut akeqartitsigani kiffartorneq pillugu inatsisitugut ingerlatsinermut ukiumoortumik akiliuteqartitsisarnissamik Erhvervs- og Selskabsstyrelsi malittarisassiussaq.

**§ 70.** Piffissaliussat, inatsimmi matumani imaluunniit inatsit manna naapertorlugu aalajangersarneqartut, ingerlanerat aallartittassaq ullup piffissaliisitsisumik pisimasoqarfiusup aqaguaniit, ilanngullugulu. Taamaassaq ullunik sapaatillu akunnerinik, qaammatinik ukiunillu piffissaliinerni.

*Imm. 2.* Piffissaliussaq sapaatit akunnerininut taggissaappat, piffissarititaq naassaaq, tak.imm.1, sapaatit akunnerata ulluani piffissaliisitsisumik pisoqarfiusimasumi.

*Imm. 3.* Piffissaliussaq qaammatininut taggissaappat, piffissarititaq naassaaq, tak.imm. 1, qaammatip ulluani piffissaliisitsisumik pisoqarfiusimasumi. Ulloq piffissaliisitsisumik pisoqarfiusoq qaammatip ulluisa kingullersarippassuk, imaluunniit piffissarititaq qaammammi ikinnerusunik ullulimi naassappat, qaammatip qassinik ulloqarnera apeqqutaatinnagu tamatigut ulluani kingullermi piffissarititaq naasussanngortitaasassaaq.

*Imm. 4.* Piffissaliussaq ukiunut taggissaappat, piffissarititaq naassaaq, tak.imm.1, ukiut ulluanni piffissaliisitsisumik pisimasoqarfiusimasumi.

*Imm. 5.* Piffissaliussaq sapaatit akunnerata naanerani, nalliuttumi, inatsisitaarfimmi, juulliaqqami imaluunniit ukiutoqqami naassappat, ulluinnarmut tulliuttumut siullermut sivitsorneqartassaaq.

**§ 71.** Ingerlatseqatigiiffiup malittarisassaani imaluunniit pissutsini allani, nalunaarutiginnissutaasimasuni, allannguuteqarsimappat, tamatuminnga nalunaarut, inatsimmi matumani allatut aalajangersaqarsimatinnagu, Erhvervs- og Selskabsstyrelsimi tiguneqareersimassaaq allannguuteqartitsinissap akuersissutigineqareerneraniit sapaatit akunneri arfineq-marluk qaangiutsinnagit.

*Imm. 2.* Ingerlatseqatigiiffiup malittarisassaani angerlarsimaffigisaanut tungasumik allannguuteqarpat, imaluunniit ingerlatseqatigiiffiup siulersuisuini pisortaqarfianiluunniit

allannguuteqarpat, nalunaarut Erhvervs- og Selskabsstyrelsimi tiguneqareersimassaaq aalajangiisoqareerneraniit sapaatit akunneri marluk qaangiutsinnagit. Taamatuttaaq kukkunerisuiussamik qinersisoqarsimappat nalunaarut Erhvervs- og Selskabsstyrelsimi tiguneqareersimassaa aalajangiisoqareerneraniit sapaatit akunneri marluk qaangiutsinnagit.

**§ 72.** Inatsit ingerlatseqatigiiffiullu malittarisassai malinneqarsimanersut isummerfiginiarlugit Erhvervs- og Selskabsstyrelsi pisariaqartitamik paasissutissarsiorsinnaavoq.

**§ 73.** Nalunaarut imaluunniit nalunaarutigineqartut aaqqissuussineq inatsisip peqqussutigisaanik imaluunniit aalajangersagartaanik, inatsit naapertorlugu aalajangersarneqartunik, malinninngippat imaluunniit ingerlatseqatigiiffiup malittarisassaanut naapertuutinnngippat, imaluunniit aalajangiineq aaqqissuussinermut tunngavigineqartoq inatsisip malittarisassalluunniit peqqussutigisaattut aalajangiinerusimannngippat, nalunaarsuinissaq itigartitsissutigineqassaaq.

*Imm. 2.* Erhvervs- og Selskabsstyrelsi isumaqarpat, kukkuneq imaluunniit amigaat piginneqataassutillit imaluunniit qullersatut siulersuisut aalajangiineratigut iluarsineqarsinnaasoq, pissutsit iluarsineqarnissaat siunertaralugu piffissaliisoqassaaq. Piffissaliussaq naatinnagu iluarsisoqannngippat nalunaarsuinissaq itigartitsissutaassaaq.

*Imm. 3.* Nalunaarutiginnittoq itigartitsinermik tamatumunngalu tunngaviusunik allakkatigut nalunaarfigineqassaaq.

**§ 74.** Maleruagassat § 69, imm. 2-4-mi aalajangersarneqartut malillugit nalunaarsuineri Erhvervs- og Selskabsstyrelsip piumasaqaatigisinnaavaa nalunaarutip imaluunniit nalunaarsuinerup inatsisinut naapertuuttumik suliarineqarsimaneranut, tak. § 73, imm. 1, uppersaammik piffissamit nalunaarsuiffiusumiit ukiut tallimat ingerlanerini nassitsisoqartarnissaa. Tamatumunnga atatillugu immikkut pisoqartillugu Erhvervs- og Selskabsstyrelsip piumasarisinnaavaa, nalunaarutip imaluunniit nalunaarsuinerup inatsisit malillugit ingerlanneqarneranut atatillugu aningaasatigut iliuitsit pillugit kukkunerisuiisoq nalunaarummik tunniussaqaassasoq. Tamanna uppersarneqannngippat, styrelsi pissutsinik iluarsiviginninnissamut piffissaliissaaq. Piffissaliussap naannginnerani iluarsisoqarsimannngippat, styrelsip pisariaqartikkuniuk ingerlatseqatigiiffik § 60-imi maleruagassat malillugit atorunnaarsinnialersinnaavaa.

**§ 75.** § 9 naapertorlugu nalunaarsuinerit, § 9 naapertorlugu naliliinernik nalunaarusianik, § 65 aamma § 67 a malillugu kattutitsinissamik pilersaarutunik naliliisartullu nalunaarutaannik, tak. aktieselskabit pillugit inatsimmi § 134 c, imm. 4, aamma § 136 c, imm. 4, tigusaqarnerit erninnaq Atuagagdliutini kiisalu Erhvervs- og Selskabsstyrelsip qarasaasiatigut paasissutissiisarfiagut nalunaarutigineqartassapput. § 65 aamma § 67a, tak. aktieselskabit pillugit inatsimmi § 134 c, imm. 4 aamma § 136 c, imm. 4, malillugu nalunaarsuinerit aammalu nalunaarutitut ilanngussartalittut, kattutitsinissamik pilersaarutitut, naliliinernik nalunaarusiatut uppersaatitullu nalunaarutitut tiguneqartut tamanit takuneqarsinnaatitaassapput. Paasissutissat il.il., § 63 malillugu Erhvervs- og Selskabsstyrelsimut nalunaarutigineqartussat, pisortat ingerlatsinerat pillugu paasitinneqarsinnaatitaaneq pillugu inatsimmit pineqannngillat.

*Imm. 2.* Atuagagdliutini aamma Erhvervs- og Selskabsstyrelsip qarasaasiatigut paasissutissiisarfiagut nalunaarutigineqartut inummit allamit ilisimaneqalersutut naatsorsuunneqassapput. Taamaattoq oqaaseqatigiinni siullerni aalajangersagaq atuutissanngilaq iliuitsinut nalunaaruteqarnermiit ullut 16-nissaat tikillugu iliuusaasunut, uppersarneqarsinnaappat inuup allap pissutsinik nalunaarutaasunik ilisimannilernissamut periarfissaqarsimannnginnera.

*Imm. 3.* Atuagagdliutini aamma Erhvervs- og Selskabsstyrelsip qarasaasiatigut paasissutissiisarfiagut nalunaaruteqartoqarsimatinnagu, pissutsit nalunaarutiginnissutaallutillu

tamanut nalunaarutigineqartussat inummut allamut atuutsinniarneqarsinnaanngillat, taassuma taakkuninnga ilisimannereenera uppersarneqarsinnaanngippat. Pissutsit taama ittut suli nalunaarutigineqarsimannginnerat inuup allap pissutsinik atuutsitsiniarnissamini akornutissarinngilaa.

*Imm. 4.* Atuagagdliutini nalunaarutip imarisai aammalu anpartsselskabinut nalunaarsuutit imarisai assigiinnngissuteqarsimatillugit ingerlatseqatigiiffiup nalunaarutigisat oqaasertaat inummut allamut atuutsinniarsinnaanngilai. Akerlianik inuup taassuma nalunaarutigisat oqaasertaat ingerlatseqatigiiffimmut atuutsinniarsinnaavai, uppersarneqarsinnaanngippat inuup taassuma nalunaarsuutit imarisaanik ilisimanninnera.

**§ 75a.** Ingerlatseqatigiiffiliortut najugaallu atiilu atorfinnullu tunngasumik paasissutissat sukkulluunniit Erhvervs- og Selskabsstyrelsen edb-informationssystemiani paasiniarneqarsinnaapput, styrelsi allatut aalajangigaqarsimanngippat. Tamanna atuuppoq ingelatsetigiiffinnut ingerlanneqartunut atorunnaarnikuunullu.

*Imm. 2.* Inummut tunngasumik paasissutissat piffissamut malinnaatillugit allannguuteqartinneqartarnerat inuup pineqartup suliffeqarfimmi, Erhvervs- og Selskabsstyrelsen edb-informationssystemiani nalunaarsugaasumi, suliunnaarneraniit ukiut 20-it qaangiunneranni atorunnaassaaq.

**§ 76.** Anpartsselskabi imaluunniit nunami allamiut anpartsselskabiutaat Kalaallit Nunaanni immikkoortoqarfilik pillugu eqqartuussisutigit suliassanngortitassat Kalaallit Nunaata Eqqartuussivianut suliassanngortinneqassapput. Suliassanngortitsinerup pineqartumut nalunaarutiginiisaani aammalu siumut ilisimatitsinissami allaffik najukkatut naatsorsuunneqassaaq.

#### *Maalaaruteqarsinnaaneq*

**§ 77.** Maalaaruteqarsinnaaneq, ilanngullugu maalaarutit allaffissornikkut pisortanut qulliunerusunut suliassanngortinneqarsinnaannginnerat, pillugit inuussutissarsiutinut ministeri maleruagassiorsinnaavoq.

**§ 78.** Erhvervs- og Selskabsstyrelsen inatsit imaluunniit peqqussusiat inatsit naapertorlugu suliaasut malillugit aalajangiineri Inuussutissarsiutinut ministereqarfiup Inuussutissarsiutit pillugit Maalaaruteqartarfianut saqqummiunneqarsinnaapput aalajangiinerup pineqartumut nalunaarutigineqareerneraniit sapaatit akunneri arfineq-marluk qaangiutsinnagit.

*Imm. 2.* Taamaattorli Erhvervs- og Selskabsstyrelsen piffissaliussanik, § 11, imm.1-imi, § 42, oqaaseqatigiit aappaanni, § 46, imm. 5-imi aamma § 47, imm. 2-mi aalajangersarneqartunik sinniisuinerup kingunerisaatut, aammalu § 73, imm. 2, § 74-ilu malillugit piffissaliinissamik aalajangiineri, aamma § 52, imm. 3, § 60, imm. 1, § 61, § 62, § 63, § 68, tak. aktieselskabit pillugit inatsimmi § 152, kiisalu § 75, imm. 1, oqaaseqatigiit pingajui malillugit aalajangiineri, allaffissornikkut oqartussaatanut qulliunerusunut saqqummiunneqarsinnaanngillat.

*Imm. 3.* Isumaqartoqarpat nalunaarsuisimaneq pineqartumut ajoqutaasoq, nalunaarsuinerup piiarneqarnissaanik apeqqut eqqartuussiviit aalajangiiffigisassaraat. Taamaassanngilarli § 36-imit pineqartutut pisuni. Nalunaarsuinerup piiarneqarnissaa pillugu ingerlatseqatigiiffimmik eqqartuussisutigit suliassanngortitsineq pisassaaq nalunaarsuinerup Atuagagdliutini aamma Erhvervs- og Selskabsstyrelsen qarasaasiatigut paasissutissiisarfiagut nalunaarutigineqareerneraniit qaamatit arfinillit qaangiutsinnagit. Eqqartuussiviup eqqartuussutip assilineqarnera Erhvervs- og Selskabsstyrelsimut nassiutissavaa. Suliassap qanoq inernejarnera pillugu oqaaseqaammik akiliutitaqanngitsumik ilanngussisoqartassaaq Erhvervs- og Selskabsstyrelsen nalunaarsuiffianut aammalu Atuagagdliutini kiisalu styrelsen qarasaasiatigut paasissutissiisarfiagut nalunaaruteqartoqartassaaq.

**§ 78a.** Inatsimmi matumani allaqqasoqarpat imaluunniit piumasaqaataappat allagaat atsioqqassasoq, piumasaqaat taanna qarasaasiakkut atsiornikkut assigisaasigulluunniit pisinnaavoq.

*Imm. 2.* Imm. 1 malillugu qaraasiakkut atsiortarneq pillugu Erhvervs- og Selskabsstyrelsi erseqqinnersunik malittarisassiorsinnaavoq.

### Kapitali 13

#### *Pineqaatissiissutit il.il.*

**§ 79.** Pinerluttulerinermik inatsit malillugu sukanganerusement pineqaatissiinissamut pissutissaqanngippat, nalunaarutiginnissutinik nalunaarutinillu Erhvervs- og Selskabsstyrelsimut nassitsinissaq pillugu inatsimmi peqqussutigisanik unioqqutitsineq akiliisitsissutaassaaq. Taamatuttaaq akiliisussanngortitaassapput siulersuisuni ilaasortat, pisortat, naliliisartut, kukkunersiuisut misissueqqissaartussallu imaluunniit taakkua sinniisui, imminnut suliasarititaasunik ingerlatsinerminni ilisimalikkaminnik pisussaaitaanatik oqaatiginnissimappata.

*Imm. 2.* Peqqussutini, § 1, imm. 3, oqaaseqatigiit sisamaat, § 22, imm. 6 naapertorlugu, tak. aktieselskabit pillugit inatsimmi § 178, imaluunniit § 69, imm. 1, suliaasuni, aalajangersarneqarsinnaavoq peqqussutini aalajangersakkanik unioqqutitsinermut akiliisitsinermetik pineqaatissiinissaq.

*Imm. 3.* Pinerluttulerinermik inatsit naapertorlugu sukanganerusement pineqaatissiineq pissutissaqanngippat qarasaasianik iluaquteqarnikkut siulersuisut, tak. § 19, imm. 2, ataatsimiinneranni imaluunniit ataatsimeersuarnermut, tak. § 28, imm. 1, peqataanissamut kode-mik isissutissamik imaluunniit kode-mik isissutissamik allamik pinnaatitaanani inummut allamut tunniussisoq akiliisussanngortinneqassaaq.

*Imm. 4.* Pinerluttulerinermik inatsit naapertorlugu sukanganerusement pineqaatissiineq pissutissaqanngippat pinnaatitaanani qarasaasiakkut nalunaarutinik il.il. atuaasoq, allanngortitsisoq nassiunnissaanulluunniit pinnaatitaanani kode-mik isussutissamik inummut allamut tunniussisoq, elektroniskimik attaveqatigiinneq pillugu inatsimmi § 28-mi taaneqartutut, atuisoq akiliisussanngortinneqassaaq.

*Imm. 5.* Anpartsselskabip siulersuisuisa, pisortaasa imaluunniit atorunnaarsitsinissami ikiortip imaluunniit nunami allamiut anpartsselskabiata immikkoortoqarfianik aqutsisuusup pisussaaffiit, inatsit naapertorlugu imaluunniit aalajangersakkat inatsit naapertorlugu aalajangersarneqartut Erhvervs- og Selskabsstyrelsimut naleqqiullugu pisussaaffigisatik, piffissaq eqqorlugu naammas-sinngitsoorpatigik styrelsip pinngitsaaliissutitut pineqartut taakku ullormut sapaatilluunniit akunnikkaartumik akiligassittarsinnaavai.

**§ 80.** § 2-mik, § 9-mik, § 12, imm.4-mik, § 13, imm. 1-imik, § 16-imik, § 17, imm. 3-mik, § 20-mik, § 28, imm. 2-mik, § 44-mik § 49, imm. 1-imik aamma imm. 2-mik, § 50, imm. 2, oqaaseqatigiit aappaannik, § 51-imik, § 52-imik, § 53, imm. 4-mik, § 60, imm. 3-mik, § 63, imm. 6, oqaaseqatigiinnik siullernik, § 64, imm. 4-mik, aamma § 68, imm. 2-mik unioqqutitsineq akiliisitsissutaassaaq.

*Imm. 2.* Ingerlatseqatigiiffik § 49, imm. 1-imut 2-mullu akerliusumik iliutsinik allanngortitsinani atuutsitsiinnartoq akiliisussanngortitaassaaq.

*Imm. 3.* Anpartsselskabi ingerlatseqatigiiffilluunniit alla imaluunniit kukkunersiuisoq pilersitsisuuppata, ingerlatseqatigiiffik pineqartoq inatsimmi aalajangersakkanik unioqqutitsisimanera tunngavigalugu akiliisussanngortinneqarsinnaavoq.

## Kapitali 13 A

*Taarsiissuteqarneq*

**§ 80 a.** Pilersitsisut, siulersuisunut ilaasortat aamma pisortat sulinerminni piaaralutik mianersuaalliorlutilluunniit ingerlatseqatigiiffik annaasaqartissimagunikku, annaasaqaatai taarsissallugit pisussaataapput. Tamanna aamma atuutissaaq inatsisip matuma imaluunniit malittarisassat unioqqutinnerisigut piginneqataasut, ingerlatseqatigiiffiup akiitsoqarfii imaluunniit inuk alla annaasaqartinneqarpata.

**§ 80 b.** Naliliisartut, kukkunersiuisut, misissuisussaataitasut aamma ingerlatseqatigiiffeqarnermik naatsorsuuserinermillu paasisimasallit, tak. § 63, taarsiissuteqartussaananer at eqqarsaatigalugu § 80 a taamatulli atuutissaaq.

*Imm. 2.* Kukkunersiuisoqatigiiffik kukkunersiuisussatut qinigaasimappat kukkunersiuisoqatigiiffik kukkunersiuisorlu, kukkunersiuinissamik suliassinneqartoq, taarsiissuteqarnissamut akisussaapput.

**§ 80 c.** Piginneqataasooq piaaraluni mianersuaalliorluniluunniit inatsit manna unioqqutissimapagu imaluunniit ingerlatseqatigiiffiup malittarisassai unioqqutitsisimappagit pisussaavoq annaasat taarsissallugit. Eqqartuussisut atonerluinerup ingerlatiinneqarnissaa navianartoqartoq isumaqarunik tamatumunngalu immikkut ittumik pissutissaqarsorigunik unnerluussaq pisussanngortissinnaavaat piginneqataasup annaasaqartup piginneqataassutai, ingerlatseqatigiiffiup aningaasaqarnikkut inissisimaneranut pissutsinullu allanut naapertuuttumik nalilerlugit, akilerlugit pisiarissagai.

**§ 80 d.** Pisuunerup annertussusaa, annaasat annertussusaat pissutsillu allat eqqarsaatigalugit naammaginarlutut isigineqarpata §§ 80 a-80 c-mi maleruagassat naapertorlugit taarsiissutissat appartinneqarsinnaapput.

*Imm. 2.* Taarsiissussaataitasut arlaqarsimappata taakkua peqatigiillutik taarsiissussaatinneqasapput. Taamaattorli taarsiissusaaq imm. 1 naapertorlugu taarsiissutissaminik oqilisaaffigineqarsimasooq taarsigassanut kilisitanuinnaq akisussaalissaaq. Taarsiissusaaq arlaata taartissat akilersimappagit, akisussaaqataasut ataasiakkaat tamaasa pisuussuteqarnerisa annertussusaannut pissutsinullu allanut naapertuuttumik akileeqataassutissaannik piunnaaffigisinnaavai.

**§ 80 e.** Ingerlatseqatigiiffik aalajangerpat §§ 80 a-20 c-mi malittarisassat naapertorlugit pilersitsisut, siulersuisunut ilaasortat, pisortat, naliliisartut, kukkunersiuisut, misissuqqissaartartut imaluunniit piginneqataassutaatillit eqqartuussisulersuunneqassasut tamanna piginneqataassutaatillit aalajangissavaat.

*Imm. 2.* Eqqartuussisulersuussisoqarsinnaavoq piginneqataassutaatillit akisussaajumanatik imaluunniit eqqartuussisulersuussijumanatik siornatigut aalajangereersimagaluarpataluunniit, aalajangiinermut tassunga imaluunniit eqqartuussisulersuussinermut patsisit pillugit piginneqataassutaatillit aalajangiitinnagit pingaarnerusutigut eqqunngitsumik amigartumillu paasissutissiisoqarsimappat.

*Imm. 3.* Piginneqataassutaatillit minnerpaamik piginneqataassutit qulerarterutaannik piginnittut akisussaatsinnginnissamik imaluunniit eqqartuussisulersuussinnginnissamik aalajangiinermut akerliusimappata, piginneqataassutaatilik kinaluunniit eqqartuussisulersuussisinnaavoq piunnaarsalugulu akisussasooq akisussaasulluunniit ingerlatseqatigiiffiup annaasaanut taarsiissussanngortinneqassasut. Piginneqataassutaatillit tamatum kingornagut eqqartuussisulersuussisut suliassamut aningaasartuutitut akisussaassapput, piginnaatitaassallutilli aningaasartuutini, eqqartuussinerup kingunerisaanik ingerlatseqatigiiffimmut taarsiissutissanik akiliisoqassappat, taakkunanga matussutissaqartissallugit.

*Imm. 4.* Ingerlatseqatigiiffik akiliisinnaajunaarpat piginneqataassutaatillit akisussaatisinnginnissamik imaluunniit eqqartuussisutigut suliaassanngortitsinnginnissamik akuersissuteqarnerisa kingorna piffissaliussap atuutilerneraniit qaammatit 24-it qaangiutsinnagit akiliisinnaajunaar-toq taarsiiffigiteqqulluni eqqartuussisulersuussisinnaavoq, ataatsimeersuarnermi aalajangiisoqa-reeraluarpalluunniit.

**§ 80 f.** § 80 e, imm. 3 naapertorlugu eqqartuussisutigut suliaassanngortitsisoqassaaq aalajanger-neq pineqartoq pillugu piginneqataassutaatillit aalangerneranniit qaammatit arfinillit qaangiutsin-nagit imaluunniit missueqqissaarnerup naammassereerneranit § 63-mi malittarisassat naapertor-lugit ingerlatseqatigiiffimmut naatsorsuuserinermulluunniit tunngasumik ilisimasalimmik toq-qaasoqarsimappat.

*Imm. 2.* § 80 e, imm. 4 naapertorlugu eqqartuussisulersuussisoqassaaq ingerlatseqatigiiffiup akiliisinnaajunnaarneraniit qaammatit pingasut qaangiutsinnagit.

## Kapitali 14

### *Atuutilersitsinermi aalajangersakkat il.il.*

**§ 81.** Peqqussut 2008-mi 1. august atuutilerpoq.

*Imm. 2.* Aamma atuukkunnaassaaq anpartsselskabit pillugit inatsit Kalaallit Nunaanni atuutilersinneqartoq pillugu peqqussut nr. 1215, 7. december 2004-meersoq.

*Imm. 3.* Ingerlatseqatigiiffiit kingusinnerpaamik 1. januar 1995-mi nalunaarutigineqartut imaluunniit nalunaarsukkat, atorunnaartussaannngitsulli aamma akiliisinnaajunnaartussaanngitut assigisaallu, § 1, imm. 3-mi aalajangersagaq naapertorlugu 1. januar 2000 nallertinnagu piginneqataassutaatitik appasinnerpaaffissamut inississavaat. Piffissaliussaq Erhvervs- og Selsskabsstyrelsen aalajangigaa nallertinnagu piginneqataassutinut tunngasunik iluarsisoqanngippat styrelsen pisariaqarsoriguniuk § 60-mi malittarisassat naapertorlugit ingerlatseqatigiiffik atorunnaarsinniassavaa. Taamaattorli tamatuminnga aalajangernissaq aatsaat pissaaq Namminersornerullutik Oqartussat oqaaseqaateqartinneqareerpata. Styrelsen aalajangiinera oqartussanut qulliunerusunut suliaassanngortinneqarsinnaanngilaq.

**§ 82.** (Ilanngunneqanngilaq).

**§ 83.** Inatsisini 1.januar 1974 sioqqullugu akuerineqartuni “ingerlatseqatigiiffiit” pineqartut inatsimmi matumanisulli ingerlatseqatigiiffiit pineqarput.

*Imm. 2.* Imm. 1-imi taama aalajangersagaqaraluartoq aningaaseriviit taamaallaat ingerlatseqatigiiffiullutik ingerlatsisinnaapput.

*Tunniunneqarput Illussaarsuarmi Christiansborgimi, ulloq 23. juni 2008*

Kunngiussutitsinnik Atsiorpugut Naqissusiillutalu

MARGRETHE R.

/Bendt Bendtsen



---

<sup>1</sup> § 4 inatsimmi nr. 303 30. april 2003-meersoq imatut aaliangersakkanik imaqarpoq: ”§ 4. Inatsit Savalimmiuni Kalaallit Nunaannilu atuutinngilaq, kunnikkormiulli peqqussutaannik tamakkiisumik ilaannakortumilluunniit atortuulersinneqarsinnaavoq, immikkuullarissut savalimmiunut Kalaallit Nunaannullu nalimmassarlugit.”

<sup>2</sup> § 6 inatsimmi nr. 226 31. marts 2004-meersoq imatut aalingersakkanik imaqarpoq: ”§ 6. Inatsit Savalimmiuni Kalaallit Nunaannilu atuutinngilaq, kunnikkormiulli peqqussutaannik tamakkiisumik ilaannakortumilluunniit atortuulersinneqarsinnaavoq, immikkuullarissut savalimmiunut Kalaallit Nunaannullu nalimmassarlugit.”

<sup>3</sup> § 8 inatsimmi nr. 246 27. marts 2006-meersumi imatut aaliangersakkanik imaqarpoq: *Imm. 1* Inatsit Savalimmiunut Kalaallit Nunaannullu atuutinngilaq, *Imm. 2*. Inatsit §§ 1-4 aamma 6 kunnikkormiulli peqqussutaannik tamakkiisumik ilaannakortumilluunniit atortuulersinneqarsinnaalluni, immikkuullarissut savalimmiunut Kalaallit Nunaannullu nalimmassarlugit.”

<sup>4</sup> § 4 inatsimmi nr. 455 22. maj 2006-meersumi imatut aaliangersakkanik imaqarpoq: § 4. Inatsit Savalimmiuni Kalaallit Nunaannilu atuutinngilaq, kunnikkormiulli peqqussutaannik tamakkiisumik ilaannakortumilluunniit atortuulersinneqarsinnaavoq, immikkuullarissut savalimmiunut Kalaallit Nunaannullu nalimmassarlugit.”